

70372

11111

11111

11111

11111

BIBLIOTECA

DE LA

UNIVERSIDAD DE SALAMANCA.

Sala ~~7~~ Est. ~~7~~ Tab. ~~7~~ Num. ~~7~~

10

21394

~~9-8-11h~~

b20160124

CANTICA

CENTVM QVINQVAGINTA,

CVM HYMNIS TRIGINTA,

Totidemq; Orationibus

IN SANCTISSIMVM EVCHARI-
stie Sacramentum.

A FRANCISCO GEMMA
Presbytero seculari Capuano Mar-
tenisensi, Sacrae Theolo-
giae Doctore.

*Ad instar Psalmorum Davidicorum ab omnibus Christi-
fidelibus ante, vel post Synaxim, seu Communionem
deuotè recitanda, nouissimè edita.*

Cum breui quadam Salutatione satis deuota ad
Beatissimam Mariam semper Virginem.



NEAPOLI, Apud Lazarum Scorigium. 1614.

Superiorum permissu.



Illustrissimo, ac Reuerendis. Domino,

DOMINO DECIO CARRAFA

S. R. E. T. SANCTORVM IOANNIS,
& Pauli Cardinali, & Neapolitanæ
Archiepiscopo dignissimo.
S. P. D.



E equidem Il-
lustrissime, ac
Reuerendissi-
me Princeps,
magnum Sacer-
dotem quasi à
cunabulis fore ostendit Altissi-
mus; te namque Illustrissimus,
atque felicitis, & æternæ recorda-
tionis

tionis dignissimus Dominus Ma-
rius Carrafa Patruus tuus, qui
Ecclesiæ Neapolitanæ fatis, lon-
gèq; sanctè regiminis tenens ha-
benas, sacrosanctum Oecumeni-
cum, & generale Cõcilium Tri-
dentinum summa cum diligen-
tia, maximoq; studio, & incredi-
bili animi affectu in sua Diœcesi,
ac in tota prouincia executioni
mandauit, Synodum Neapolita-
nam primam, cuncta ad Cleri re-
formationem, ouiumq; sibi com-
mendatarũ salutis necessaria con-
tinentem primus constituit, ser-
uandãq; præcepit. Seminarium
quoque pro Clericis pauperri-
mis, diuitibus non exclusis, tum

in

in doctrina , tum etiam in vitæ
 moribus instituendis, quibuscum
 humanas literas , & alias artes
 exactissimè didicisti , maxima cū
 sedulitate , & industria constru-
 xit, Ecclesiam Archiepiscopalem
 tanquam dilectissimam sponsam
 suam exornavit . Moniales tunc
 extra ciuitatis mœnia degentes ,
 iuxta præfati Concilij Decretum,
 intus urbem , non absque maxi-
 mo labore, maximisq; calumnijs,
 & iniurijs affectus , æquo tamen
 animo semper ferens omnia, iam
 traxit ; aliàs verò ad meliorem ,
 quem potuit, & vt tātum Archi-
 præfulem decuit, viuēdi modum
 deduxit. Quapropter non minus

fortasse, quàm Illustrissimus Ca-
 rolus Borromæus Sãctorum iam
 numero paucis retrò annis ad-
 scriptus, pro Dei seruitio, anima-
 rumq; sibi commissarum perpe-
 tuo beneficio elaborauit. Doctri-
 nam Christianam Christifideli-
 bus quàm necessariã singulis Do-
 minicis, diebusve festis pueros,
 puellasque, ac senes, tanquam ve-
 rus, atque vigilans Pastor, & Pa-
 ter docendam mandauit, sibi ex
 tunc assiduè, tanquam Angelum
 assistentem, Diuino cultui conse-
 crauit. Non igitur mirum, cùm
 ad Cardinalatus, exinde ad Ar-
 chiepiscopatus apicem ascēderis,
 eidemq; sponsæ, cuius ille fuit,
 spon-

sponsus datus fueris . Nihil tandem noui, præter ea, quæ Patruus tuus Illustrissimus instituit, inuenisti; super illa etenim omnes eius successores superædificauerunt; quinimmo quoddam, ac certum inextinguibilis luminis exemplū ab omnibus quidem proculdubio sectandum perpetuum reliquit: & vt paucis dicam; Marius plantauit, Illustrissimi, ac dignissimi eius successores rigauerunt, ipse verò Illustrissimæ, Deo fauente, omnibus, vt debes, incrementum dabis. Æquo igitur animo meum hoc Canticorum in sanctissimū Eucharistiæ Sacramentum opusculū Dominationi tuæ

A

4

Illu-

Illustrissimæ dicatum excipito .
 Ego verò Deum, vt te semper in-
 columem seruet, assiduas, tametsi
 indignas, preces effundens omni
 ex animi affectu exorabo. Cura,
 vt valeas, Illustrissime Princeps .
 Neapoli sept. Non. Octob. 1613.

Tuæ Illustriss. Dominationis

seruus, & orator perpetuus

Franciscus Gemma.

CANTICVM I. I.



Eati omnes Christifideles; qui sub speciebus panis, & vini cōsecrati, Christum integrū manere credunt, & fatentur.

Beati sacerdotes, qui dignè corpus Christi conficiunt; & dignè eius carnem manducant, & sanguinem bibunt.

Beati omnes orthodoxi, & fideles; qui ad mensam Christi cum Apostolis dignè accedunt.

Beati omnes populi, & nationes orbis terrę; qui tantum Sacramentum ex toto corde venerantur.

Beati pauperes, & diuites, serui, & liberi carnem Christi manducantes; quoniam vitā æternam possidebunt, ex mortuis resurgentes. Gloria Patri, & Filio, & Spiritui sancto. Sicut erat in principio, & nunc, & semper, & in secula sæculorum. Amen.

CANTICVM II. 2.

IN hac mensa Christus manet gloriosus, & immortalis; omnes Cherubim, & Seraphim, & omnes exercitus Angelorum Christum adorant in ea.

Ad

Ad hanc mensam peccatores non accedant; panis enim sanctus manducatur in ea.

In hac mensa sancti, & innocentes dignè epulantur; nam isti tantum gustant, & sentiunt dulcedinem eius.

Hæc mensa peccatores non recipit, sed expellit eos; nisi prius pœnitentiam agentes, mundi fiant, & humiles.

Hæc mensa diuina est, atque cœlestis vndique; ideo soli electi ad ipsam vocantur à Christo. Gloria Patri, &c.

CANTICVM III. 3.

QUam magna dignitas Christifidelium; quibus à Christo datum est corpus suum ad manducandum.

Nullus Prophetarum, neque Patriarcharum carnem Christi manducare dignus fuit; solum redemptis sanguine eius licitum est illam manducare.

Mannam utique manducauerunt illi in deserto; nos autem carnem Christi manducamus in Ecclesia eius.

Mortui enim sunt, qui manducauerunt mannam; qui verò carnem Christi manducant, cum ipso viuunt in æternum.

Omnia etenim in figura contingebant illis; nobis autem omnia in certitudine, & veritate. Gloria, &c.

CAN.

CANTICVM IV. 4.

TE Christum summum, & quàm magnum Sacerdotem in hac Hostia adoramus; te verum Deum, & hominẽ credẽtes confitemur.

Te Hostiam puram, & immaculatam Deo Patri pro nobis oblatam prædicamus; te illum cum peccatoribus reconciliasse fatemur.

In misericordiam enim conuertisti iustitiam tuam in ara Crucis clavis confossus; clemẽtem vtique in nos fecisti Patrem tuum in ea.

Ianuas cœli clausas propter peccatum, aperuisti nobis; & viam illas ingrediendi ostendisti manducantibus carnem tuam.

Tu Christe Sacerdos æternus Diabolum, & Angelos eius deuicisti pendens in Cruce; & in ea fortes fecisti manducantes carnem tuam aduersus eos. Gloria Patri, &c.

CANTICVM V. 5.

IN memoriam passionis tuæ, Domine, panis in carnem, & vinum in sanguinem tuum conuertunt sacerdotes; tui ministri tuo Carattere insigniti.

O quàm magna potestas, & dignitas sacerdotum; qui paucis verbis faciunt Christum totum manere sub speciebus panis, & vini.

Hæc

Hæc etenim potestas, & dignitas non Angelis data est à Christo; sed hominibus tantum orthodoxis, & fidelibus ritè initiatis.

Æqualis data est cunctis presbyteris hæc conficiendi facultas; omnes etenim vices Christi gerunt in Ecclesia Dei.

Omnes ubique sacerdotes eodem tempore celebrantes; idem corpus Christi, & eundem sanguinem eius verè conficiunt. Gloria, &c.

H Y M N V S.

Hanc puram, hanc sanctam
 Veneremur Hostiam,
 Hæc Christum totum, ac verum
 Dei Natum continet,
 Eius partes quamuis parvæ
 Illum quoque continent.
 In hac caro, atque sanguis,
 Sancta eius anima,
 Personaque à Patre solo
 Ab æterno genita,
 Pater manent, & Procedens,
 Communisque Deitas.
 Hinc æternam persolvamus
 Trinitati gloriam,
 Omne decus, omnes laudes
 Genus flexi, humiles
 Peccatorum postulantes
 Veram indulgentiam. Amen.

SANCTISS. SACRAMENTI. 13

Ψ. Panem de cœlo præstitisti nobis. Alleluia.
R. Omne delectamentū in se habentē. Alleluia.

Oremus.

DEus, qui nobis carnem tuam ad manducā-
dum, & sanguinem tuum ad bibendum
reliquisti, fac, quæsumus, ita nos ad mensam
tuam dignè accedere, vt eius dulcedinem in
visceribus nostris sentire, & gustare mereamur
æternam. Qui viuis, & regnas Deus per omnia
sæcula sæculorum. Amen.

CANTICVM I. 6.

TVam quàm magnam in nos misericordiã
in hoc pane ostendis Domine; charitatem
quoque quàm immensam, & ineffabilem mani-
festas electis tuis in eo.

Hic etenim culpas quàm maximas, & grauif-
simas remittit peccatoribus; omnes illum di-
gnè manducantes iustificat, & saluos facit eos.

Propterea tu Domine omnes ad hunc pa-
nem manducādum inuitas; quoniam qui illum
manducant, te vitam æternam inueniunt in eo.

Doce nos igitur Domine dignè illum man-
ducare; vt fructus eius sentiamus in nobis.

Tanta nos, Domine, deuotione ad illum
accedere facias; quanta fideles tuos illum de-
cet manducare. Gloria Patri, & Filio, & Spi-
ritui sancto. &c.

CAN.

CANTICVM II. 7.

FAc nos Domine illud credere, & tenere de tanto Sacramento; quod noueris expedire salutem animarum nostrarum.

Spiritus sanctus nobis fidelibus tuis semper assistat; vt quod Altissimæ Maiestatæ tuæ placet, de illo cogitemus, & loquamur.

Purifica Domine corda nostra, & sensus nostros; vt carnem tuam dignè manducare mereamur.

Sacerdotes tuos tanquam Angelos ad altare tuum ascendere fac Domine; vt sanctè conficiant corpus, & sanguinem tuum.

Plebs autē tua fidelis deuotè suscipiat illud; & formidabilis fiat Diabolo, & Angelis eius. Gloria Patri, &c.

CANTICVM III. 8.

AB immūdis, & vanis cogitationibus munda conscientias nostras Domine; vt dignè sumamus panem de mensa sancta tua.

Angelorum custodia; munito Domine nos fideles tuos; dum panem illorum manducamus in mensa tua.

Tunc enim Diabolus, & Angeli eius trementes discedunt à nobis; quoniam tanquam hostes

stes suos fugiunt sanctos Angelos tuos.

Spiritum superbiæ, & omnium peccatorum expelle à nobis in virtute huius Sacramenti; humiles, & deuotos fac nos in manducatione carnis tuæ.

Disperge Domine Diabolum, & omnes infidias eius; ne decipiat nos manducantes sanctam carnem tuam. Gloria Patri, &c.

CANTICVM IV. 9.

EXtingue in nobis, Domine, fomitem libidinis in manducatione carnis tuæ; & perpetuæ castitatis cingulo præcinge nos famulos tuos.

Mortifica in nobis stimulos, & commotiones carnis nostræ; vt tantum Sacramentum Angelica puritate fumamus vsque ad mortem.

Multa etenim cordis contritione, & lachrymarum effusione fumendum est Sacramentum ex altari tuo; nam caro, & sanguis tuus pretiosus fumitur in eo.

Omnium Angelorum, & exercituum turba affistit in illo; Sanctus, Sanctus, Sanctus proclamant incessanter.

Tu Domine Iesu sacrificium es, & Sacerdos æternus; propterea genuflexi, & humiles corde illud adoramus, & veneramur. Gloria Patri, & Filio, &c.

CANTICVM V. 10.

Nillus ad tantum Sacramentum securus
accedit; nisi tu Domine dignos feceris
accedentes ad illud.

Ecce indignos nos ipsos agnoscimus, & fate-
mur; propter peccata enim nostra longè facti
sumus aliquando à manducatione carnis tuæ.

Veruntamen tu solus Domine nos dignos
facere potes ad manducandum carnem tuam;
quoniam tu solus mundos facere potes ex im-
mundo semine conceptos.

Propterea accedentes ad mensam tuam ge-
nuflexi te Domine exoramus; vt probata vni-
que conscientia nos ad illã deducere digneris.

Vt dulcedinem tanti Conuiuij sentiamus in
visceribus nostris & sic inebriati te solum dili-
gamus viuentes in terra. Gloria Patri, &c.

HYMNVS.

Sacramentum hoc dignissimum
Mundis corde, atque corpore
Duntaxat licet sumere,
His namque tantum proderit.
Sancti ad hoc præproperent,
Accedant cum letitia,
Tuta cum conscientia,
Hoc dignè credant sumere.

Hos

*Hos Christus cum Ecclesia
 Mensam ad istam conuocat,
 Hos namque dignos prospicit
 Deus de cœlo Altissimus.*

*Patrem, eiusque Filium,
 Communem quoque Spiritum
 In isto sacrificio
 Adoremus unanimes. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

OMnipotens, & misericors Deus, qui ad perpetuum erga fideles tuos amorem ostendendum Ecclesiæ dilectissimæ sponsæ tuę corpus, & sanguinem unigeniti filij tui sub speciebus panis, & vini consecrati relinquere dignatus es; fac nos ita illud dignè sumere, vt eius virtute æternum salutis nostræ beneficium consequi mereamur. Per eundem Christum Dominum nostrum. Amen.

CANTICVM I. II.

Memoriā passionis tuæ facimus Domine Iesu Christe; dum ad manducandam carnem tuam accedimus ad mensam tuam.

Ad delēda quoque peccata nostra instituisti sacrificium altaris tui; ad iustificationē impiorū reliquisti illud Ecclesiæ dilectæ sponsæ tuæ.

B Susci-

Suscipe illud Domine de manibus sacerdotum tuorum; & dignè oblatam ascendat in conspectu Dei Altissimi.

Saluos fac Domine fideles tuos illud venerantes; quos redemisti pretioso sanguine tuo.

Quid enim prodest nobis redemptio tua Domine; nisi saluos feceris quos tanto pretio redemisti? Gloria Patri, &c.

CANTICVM II. 12.

Thesaurum immensæ Charitatis tuæ est tantum Sacramentum Domine; etenim sancta charitas tua duxit te ad instituendum illud.

In omnibus vtique operibus tuis charitas tua quàm magna elucescit; in hoc tamen tanquam flamma coruscat in Ecclesia tua.

Quis enim vnquam carnem suam ad manducandum, & sanguinem suum ad bibendum dedit amicis suis; sicut tu Domine dedisti cunctis fidelibus tuis?

Ad refocillandas animas electorum tuorum dedisti carnem tuam; nec consumitur, dum manducatur à nobis.

Accidentia eius tantummodo corrumpuntur in stomacho; caro autem, & sanguis tuus absque corruptione desinit esse ab illis.

CANTICVM III. 13.

AVfer à nobis Domine fidelibus tuis omnē immunditiam; ne tanti sacrificij fructibus à te priuemur in terris.

Hoc etenim peccatores iustificat peregrinantes in terra; in cœlo autem beatificat eos in æternum.

Templum tuum perlucidum sicut Solem fac Domine animas nostras; vt dignè habites cum manducantibus carnem tuam.

Domus Maiestatis Altissimæ, & Angelorum tuorum fiunt mentes nostræ; dum mundas ab omni labe peccati inuenis illas.

Quàm valde gloriaris Domine, manere cum electis tuis manducantibus carnem tuam; nec vnquam discedis à cordibus eorū. Gloria, &c.

CANTICVM IV. 14.

CAro tua Domine, & sanguis tuus consolatur afflictos; mœstos autem, & tristes lætificat vniuersos.

Conuiuium sacræ mensæ tuæ Domine vnanimis facit, & amicos ccenantes in eo; odium etenim expellit à cordibus eorum.

Ab hostiū insidijs eripit populos tibi fideles; in pace perpetua viuere facit māducātes illam.

Captiuorum lacrymas semper audit, & gemitus eorum; liberos, & lætos remittit eos ad ciuitates suas.

Orphanos, & viduas, afflictos, & tribulatos consolatur; debiles, & senes, & infirmos fortificat in necessitatibus eorum. Gloria Patri, &c.

CANTICVM V. 15.

Quam benignum, & quam clementem in hoc Sacramento nouimus te Domine; quoniam in virtute eius posuisti salutem nostram.

Quam magnum, & excelsum te Domine ostendis in eo; præclaram enim in eo facis potentiam tuam.

Quam pium, & clementem cognoscimus te in Sacramento altaris tui; quoniam non tanquam Dominum, sed tanquam Patrem ostendis te nobis in eo.

Quam dulcem, & quam suauem agnoscunt te pœnitentes in hac Angelica, & cœlesti cœna; quoniam veniam peccatorum suorū inueniunt in ea.

Quam potentem, & quam sapientem ostendis te in institutione huius Sacramenti; quoniam accidentia panis, & vini sine substantia manere facis in eo. Gloria Patri, &c.

H Y M N V S.

Hanc ad mensam Angelorum
 Iam fideles veniant,
 Hæc tantum est parata
 Christi emptis sanguine,
 Tota namque est diuina,
 Cœlestisque undique.

Nuptiali veste solum
 Illam decet ingredi,
 Secus enim foras vadunt
 Quàm dolore maximo
 Sine illa accedentes
 Ad cœnam hanc cœlicam.

Gratias Patri, atque Nato,
 Sancto que Spiritui
 Infinitas persoluamus
 Ob tam beneficium
 Inter cuncta singulare
 Facta nobis Domino. Amen.

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

OMnipotens, & misericors Deus, qui Vni-
 geniti tui carnē in cibum, & sanguinem
 eius in potū nobis donare dignatus es, cōcede
 propitius, vt quē sub panis, & vini accidentibus
 velatum in via suscipimus, facie ad faciem in cœ-
 lesti patria videre mereamur. Per eundem &c.

B 3

CAN.

CANTICVM I. 16.

IN iustitia tua Domine conseruas dignè manducantes carnem tuam; aures autem misericordiæ tuæ patent precibus eorum.

Iustus es Domine, & iustos facis epulantes in mensa tua; sicut aurum in fornace probas illos, vt dignè accedant ad eam.

Vias duras, & asperas perambulare facis comedentes panem sanctum tuum; quoniam inimicos quoque suos diligunt, secundum præceptum tuum.

In semitâ mandatorum tuorû dirigis gressus manducantium carnem tuam; quoniâ hæc est præparatio dignè accedendi ad mensam tuam.

Misericordiam tuam quam magnam ostēdis epulantibus in sacro Conuiuio tuo; vt saluas facias animas eorum. Gloria Patri, &c.

CANTICVM II. 17.

IGnem Spiritus sancti accende Domine in cordibus nostris; vt sic calefacti accedere mereamur ad dulcissimam mensam tuam.

Cor carneum, & molle da manducantibus panem tuum; vt lacrymas multas effundant accedentes ad sanctam cœnam tuam.

Tuam Deus clementiam ex toto corde implora-

ploramus ; vt sereno, ac placido vultu respicias nos sedentes in mensa tua .

Quid enim felicius, quid vtilius, ac iucundius ; quā sine macula sedere tecū in mensa tua Dñe ?

Vnum enim, & idem fit tecum dignè manducans carnem tuam ; ex homine namque Deus fit, & diuinus . Gloria Patri, &c.

CANTICVM III. 18.

Solatio quàm magnum cōfert hoc Sacramentum animabus defunctorum ; consolationem quàm magnam donat eis .

Pœnas etenim illorum breues facit, & leues ; solutas tandem in regnum cœlorum ducit eas .

Fortes facit, & victores, vt viaticum dignè sumentes illud ; propterea non timent dæmones, nec insidias eorum in nouissimo bello .

Contremiscunt dæmones in oblatione huius sacrificij ; & tabescunt propter salutem dignè offerentium, & manducantium illud .

Propterea dæmones odio habent Christifideles illud venerātes, & sumentes ; & plusquā in inferno cruciātur in cōspectu eius . Gloria, &c.

CANTICVM IV. 19.

Christus panis viuus, qui de cœlo descendit, offertur, & manducatur in hac mensa ;

propterea qui offert, & māducat hunc panem, viuet in æternum.

Christus via, veritas, & vita sumitur in ea; Christus filius Dei, & hominis totus manet in ea.

Christus Agnus immaculatus, lucerna domus Dei Altissimi viuit sub speciebus panis, & vini; quem Angeli trementes adorant, & collaudant in æternum.

Christus Redemptor, & Saluator mundi manet in hoc pane cœlesti; propterea cœlestes sūt omnes, qui dignè manducant illum.

Christus, qui mundum vniuersum gubernat, & regit, corporaliter adest in eo; Christus ad dexteram Patris sedens gloriosus, & immortalis, adoratur in eo. Gloria Patri, &c.

CANTICVM V. 20.

E Surientes, & sitientes omnes recreātur, & refocillātur in mensa tua Domine; & qui sancti sunt, adhuc sanctificantur in ea.

Cum Angelis exultantes, te Christum magnificant, qui dignè sedent in mensa tua; te Deum, & hominem credētes, confitētur in ea.

Hunc panem solum verum esse fatemur, & credimus; quoniam hic solus reficit, & satiat electos tuos in cœlo, & in terra.

Panis enim substācialis est, & diuinus; propterea

rea qui māducant illum, viuunt in ſeculū ſeculi.

Niſi enim panem hunc manducauerint fideles tui Domine; terram uiuentium non intrabunt in æternum. Gloria Patri, &c.

H Y M N V S.

Panis hic cœlicus nobis aperuit
Cœlorum ianuas, quas culpa clauserat
Parentum maxima verbis pauciſſimis
Deceptorum Diaboli.

Deum Altiffimum placatum reddidit,
Ipſum Diabolum vinxit & fortiter
Illi dominium antiquum auferens,
Aeterno tradens baratro.

Noſtri chirographum peccati abſtulit
Omnino lacerans, cuncti quo demonis
Ligati vinculis electi etiam
Manebant tunc duriffimis.

Omnes, quas poſſumus, reddamus gratias
Patri ingenito, Natoque genito,
Atque Spiritui ſancto paraclito
Ex nunc, & in perpetuum. Amen.

Ÿ. Panem de cœlo præſtituſti nobis. Alleluia.

R. Omne delectamentū in ſe habentē. Alleluia.

Oremus.

OMnipotens æterne Deus, qui nobis fidelibus tuis ſanctiſſimum Eucharistiæ Sacramentum pro æterna Chriſti filij tui paſſionis me-

memoria celebranda reliquisti; concede propitius, ita nos nunc sanctè, ac deuotè illam celebrare, vt eius diuinitatem, & gloriosam humanitatem videre mereamur in cœlis. Per eundem Christum Dominum nostrum. Amen.

CANTICVM I. 21.

COpiosa, & ineffabilis gratia descēdit super epulantes in mensa tua Domine; quoniam tu Christus Deus, & homo manes in ea.

Semper acceptabilis est Maiestati Altissimi digna manducatio carnis tuæ; cunctas autem Angelorū hierarchias, & oēs electos lætificat.

Viuuis, & defunctis prodest panis mensę tuæ; peccatores enim ad pœnitentiam, hęreticos autem ducit ad fidem.

Nunquam in uanum hæc Hostia ab Ecclesia fuit oblata, quoniam Christus fons æternæ vitę offertur in ea.

Virtutē, & efficaciam tanti Sacramenti quis vnquam enarrabit? infinita sunt enim, & inenarrabilia munera eius. Gloria Patri, &c.

CANTICVM II. 22.

AB ortu Solis, Domine, vsque ad occasum Ecclesia Dei pascitur pane mensę tuę; per totū enim orbem terræ diffusi sunt fideles tui.

Cun-

Cunctos electos tuos purificat, & sanctificat tam magnum, & venerabile Sacramentum; contemptores namque mundi facit dignè accedentes ad illud.

Divinitatis Altissimi participes fiunt manducantes carnem tuam, quoniam deitatem ipsius, & gloriosam humanitatem tuam in cœlo videbunt in æternum.

Digniores, quã Angeli facti sunt fideles tui; quoniam Angeli nunquam manducaverunt carnem tuam, neque biberunt sanguinem tuum.

Hunc etenim cibum, & hunc potum solis hominibus reliquisti Domine; veruntamen Angeli non manducando, sed adorando sentiunt dulcedinem eius. Gloria Patri, &c.

CANTICVM III. 23.

TV Chrifte fons æternę dulcedinis panem hunc donasti nobis; propterea dulcior, quàm mel, & fauus est in ore dignè manducantium eum.

Munda Domine corda nostra, & mentes nostras; vt dulcedinem carnis tuę sentiamus sedentes in mensa tua.

Nimis delicatus est cibus, quem dedisti electis tuis Domine; propterea puritatē quàm magnam exquiris à manducantibus panem tuum.

Deos facit nos, & Angelos cibus, & potus mensę

mensæ tuæ; cohæredes quoque tuos facit nos
in regno tuo.

Quam candidus, & quã suavis est panis men-
sæ tuæ Domine; propterea soli verè pœnitêtes
dignè sedent tecum in ea. Gloria Patri, &c.

CANTICVM IV. 24.

MVndi salus, & vita manet in pane coenæ
tuæ, gloria, & diuitiæ Altissimi inueniun-
tur in eo.

In ventre Matris tuæ intemeratæ formatus
est panis iste cœlestis, Domine; in ara autem
Crucis decoctus est igne charitatis tuæ.

Solus panis mensæ tuæ famelicos satiat, &
rerum omnium sitim extinguit; strenuos facit,
& fortes comedentes illum, aduersus dæmo-
nes, & insidias eorum.

Cibus, & potus æternus est mensæ Altissimi
panis tuus; Angelos enim, & electos tuos nu-
trit in cœlo, & beatos facit eos in perpetuum.

Peregrinantes autem in terra, per vias rectas
deducit eos; à laqueis Diaboli, & Angelorum
eius eripit dignè manducantes illū. Gloria, &c.

CANTICVM V. 25.

DE cœlo descendisti Domine, vt panis vi-
uus, & verus fieres electorum tuorum;
&

& vitam dares epulantibus in mensa tua.

Propterea longè fac à nobis omnem maculam mentis, & corporis; vt pacem vndique sentiamus in mentibus nostris, dum manducamus carnem tuam.

Tu Domine panis noster dulcissime sanctifica animas nostras; vt vitam Angelicam ducentes, dignè accedamus ad sacram mensam tuam.

Perpetuum habitaculum tuum fac Domine corda nostra; vt solus Spiritus sanctus tuus habitet in nobis vefcentibus pane tuo.

Intus, & foris, & vndique munitos, & mūdōs fac nos Domine; vt manducātes carnem tuam, virtutem eius sentiamus in nobis. Gloria, &c.

H Y M N V S.

PAnem nobis dulcissimum
 Parauit Deus piissimus
 Sola ductus clementia,
 Qua cuncta fecit opera.
 Hunc nobis in perpetuum
 Cibum reliquit Dominus
 Ad finem vsque seculi
 Totus nobiscum remanens.
 Hic magnum est solatium
 Cunctis Christifidelibus,
 Dignè tamen sumentibus
 Carnem eius, & sanguinem.

Hinc

Hinc Deo nos perpetuas

Laudes soluamus cordibus,

Totis atque visceribus,

Qui nos tam fecit nobiles. Amen.

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

DEus, qui propter nimiam charitatē tuam in sanctissimo Eucharistiæ Sacramento Unigenitum tuum vsque ad nouissimum diem sæculi nobiscum manere voluisti, fac, quęsumus, ita nos illud venerari, & manducare, vt eo frui in cœlo mereamur in æternum. Per eundē &c.

CANTICVM I. 26.

AD tuum dulcissimum Conuiuium accedimus Domine; dignè cum Apostolis tuis fac nos sedere in mensa tua.

Tu enim ad illud vocas, & inuitas omnes fideles tuos; nulli vnquam adhuc clausisti ianuas eius.

Beati omnes, quos vocas ad mensam Conuiuij tui; quoniam tanquam iustos certos facis de salute eorum.

Non enim peccatores, sed iustificatos pœnitentia, vocas ad mensam sanctam tuam; soli namque iusti dignè accedunt ad eam.

Propterea, Domine, iustifica peccatores

re-

SANCTISS. SACRAMENTI. 31
redemptos sanguine tuo; vt omnes dignè ingre-
diantur ad cœnam tuam. Gloria Patri, &c.

CANTICVM II. 27.

TV æterna Deitas, & tremenda Maieſtas
reſpicè infirmitatē noſtram; purifica nos
Domine priuſquam manducemus carnē tuam.

Anguſtię enim vndique ſunt nobis; & in dies
multiplicantur inimici noſtri.

Propterea ſæpe longè manemus à menſa
Conuiuij tui; & trementes accedimus ad man-
ducandam carnem tuam.

Vincula peccatorum noſtrorum diſ rumpe
benigniffime Deus; exitus aquarum ducant
oculi epulantium in menſa tua.

Petrum, & Magdalenam fac nos imitari, pe-
nitentiam agentes; antequam ingrediamur ad
ſanctam cœnam tuam. Gloria Patri, &c.

CANTICVM III. 28.

PLagas peccatorum noſtrorum oſtendimus
tibi Chriſte Redemptori noſtro; ſana illas
propter clementiam tuam in manducatione
carnis tuę.

In domo Phariſęi recumbens curaſti Magda-
lenam dilectam ſponſam tuam; vbi ſodales tui
non manducabant carnem tuam.

Epu-

Epulantibus autem in mensa tua, remittis peccata eorum; & iustificas eos propter manducationem carnis tuæ.

Carnem nostram, & stimulos eius extinguit in nobis virtus carnis tuæ; dum sanctè illam sumimus de sacra mensa tua.

Cogitationes cordis nostri, tanquam aurum in fornace, purgantur in manducatione carnis tuæ; reliquias culpæ nullas relinquit in mentibus nostris. Gloria Patri, &c.

CANTICVM IV. 29.

QVàm magnam, & immensam misericordiam inveniunt apud Altissimum, omnes, qui dignè accedunt ad Conuiuium mensæ tuæ.

Fons omnium gratiarum, & virtutū est illud; propterea plusquàm Angeli sanctiores fiunt quandoque comedentes carnem tuam.

Angeli enim semel mereri potuerunt antequam clarè viderent essentiam Dei; homines autem millies mereri possunt dignè comedentes carnem tuam.

Mensa Trinitatis immensæ, est mensa tua, Domine Iesu; propterea omnes quàm longè fatiantur in ea.

Similes tibi fiunt omnes sedentes tecum in mensa tua, Domine; non enim homines, sed Seraphim apparent in ea. Gloria Patri, &c.

CANTICVM V. 30.

Salue victima salutaris, salue hostia pro salute mundi oblata; tu sola cum Altissimo reconciliare potuisti peccatores.

Nullum sacrificium, neque holocaustum portas cœli aperuit aliquando; tu sola Christum Deum, & hominem continens, cœlum aperuisti nobis.

Tu etenim sanguinem Christi pretiosum pro nobis conseruas; tu sola contines pretium salutis nostræ.

Tu spes nostra, & gaudium nostrum, tu merces nostra copiosa facta es; tu securus portus manducantium te manes in perpetuum.

Nullus vnquam dignè manducans carnem Christi manentem in te, ad lapidem offendit pedem suum; nec de libro vitę deletum est nomen eius. Gloria Patri, &c.

HYMNVS.

Mentes nostras purgat, mundas
 Seruans hoc Conuiuium,
 Carnis magnos, atque fortes
 Nostræ domat stimulos,
 Templum Dei dignum reddit
 Fida nostra pectora.

C

Hac

*Hac in mensa sanctiores
 Sancti fiunt homines,
 Christi verè coheredes,
 Aequalesque Angelis,
 Atque cœli ciues sancti,
 Dei digni gloria.*

*Trinitati sempiternus
 Honor sit, & vnicus,
 Quæ cœlum, terram, ac pontum,
 Angelorum ordines
 Solo verbo fecit, sibi
 Protoplastum similem. Amen.*

℣. Panem de cœlo præstitisti nobis. Alleluia.

℞. Omne delectamentū in se habentē. Alleluia.
 Oremus.

TAnti, quæsumus Domine, Sacramenti virtutes fac nos agnoscere, vt ad illud maiori, qua possumus deuotione accedētes, cuncta, quæ nobis ad perpetuam mentis, & corporis salutem prodesse possunt, à te consequi mereamur. Per Christum Dominum nostrum. Amen.

CANTICVM I. 31.

QVam mirabile est Sacramētum altaris tui Domine; quoniam medicina salutaris est omnibus, qui dignè accedūt ad illud. Fons immensæ misericordiæ est Sacramentum tuum; in quo plusquàm nix dealbantur dignè

dignè illud fumentes.

Tu Christe lumen de lumine, totus, & integer manes in eo; ad illuminandos electos tuos reliquisti illud Ecclesiæ tuæ.

Quàm magnæ, & quàm multæ diuitiæ absconduntur in Sacramento altaris; pauperes, & egenos diuites facit in æternum.

Frigidos calefacit, & nudos vestit hoc Eucharistiæ Sacramentum; esurientes, & sitientes recreatur, & satiantur in virtute eius. Gloria, &c.

CANTICVM II. 32.

Quàm magnū, & quàm venerabile est hoc sacrificium Domine; etenim filius tuus, Dominus, & rex omnium sæculorum offertur in eo.

Quàm felices, & quàm beati, qui dignè accedunt ad mensam illius; quoniam nō solum Sacramentum, sed rē etiam, & virtutē eius suscipiunt.

Carnem tuam ex Virgine susceptam manducant fideles tui; quotiescunque in mensa tua epulari facis eos.

Membra corporis tui fiunt omnes, qui dignè manducant carnem tuam; in perpetuum enim incorporantur Maieitati tuæ.

In hoc enim sacrificio manes tu vita æterna; propterea fac nos dignè manducare carnē tuā, quæ Altissimo offertur in eo. Gloria Patri, &c.

CANTICVM III. 33.

TE velatū sub speciebus panis, & vini nunc
in via suscipimus Domine; te facie ad fa-
ciem videre speramus in cœlo.

Fides sola fatis est ad credendum te manere
in Sacramento; mysterium enim fidei est hoc
Sacramentum tuum.

Beati omnes, qui hoc credentes perseuerant
vsque ad mortem; quoniam coronam vitæ acci-
pient de manu tua.

Quid stultius, Domine, quàm de doctrina tua
dubitare? tu enim Deus verus de Deo vero di-
xisti, Hoc est corpus meum.

Hæc verba tanquam vera à Solis ortu vsque
ad occasum resonant in ore sacerdotum fideliū
tuorum; dum hoc Sacramentum conficiunt, il-
lud offerentes Maiestati Altissimi. Gloria, &c.

CANTICVM IV. 34.

SAgitta amoris tui transfige corda mandu-
cantium carnem tuam Domine; & viscera
bibentium sanguinem tuum inebria.

Fac Domine, vt anima nostra hunc panem
tuum solum semper esuriat; & hunc sanguinem
tuum pretiosum semper sitiāt.

Quoniam tu Domine totus, & integer ma-
nes

nes in illo; qui duobus piscibus, & quinque panibus quinque millia hominum satiasti.

Tu solus animas nostras hoc pane satiare potes in perpetuum; quoniam beatos facis dignè manducantes carnem tuam.

Hunc panem in cœlo manducant electi tui sedentes tecum in mensa tua; propterea non esuriunt, neque sitiunt in æternum. Gloria Patri, &c.

CANTICUM V. 35.

Liquefiant Domine corda manducantium carnem tuam; & te solum concupiscant viscera eorum.

Cupiant dissolui, & tecum esse in paradiso; ubi solum veram, & perpetuam requiem possunt inuenire.

Illic enim panis iste Angelicus vndique satiat electos tuos; absque enim velamine videbunt faciem tuam.

Omnem dulcedinem, & saporem, & perpetuam suauitatem huius panis sentiunt manentes in mensa tua; quoniam quod crediderunt, videntes possident, eoque fruuntur.

Fons æterni luminis est iste panis in cœlo; torrens voluptatis æternæ, & immensa veritas domus Dei Altissimi. Gloria Patri, &c.

HYMNVS.

Panem istum manducantes
Omnes mundi respuunt

Pompas, atque voluptates,

Cunctas ac diuitias,

Illas namque iam fallaces

Esse noscunt undique .

Hinc aeternas semper quarunt ,

Veras ac delicias,

Iam dissolui cupientes,

Vt cum Christo gaudeant.

Timor mortis nullus illic,

Neque dolor permanet.

Dulcis satis, ac suavis

Hac in mensa sumitur

Panis, quem reliquit Christus

Suis iam fidelibus ;

Pellit inde peccatores

Obstinos, reprobos.

Patrem semper generantem ,

Natum semper genitum ,

Ambos semper & spirantes

Semper ductum Spiritum

Adorantes veneremur

Per aeterna secula. Amen.

ψ. Panem de caelo praestitisti nobis. Alleluia.

℞. Omne delectamentū in se habentē. Alleluia.

Ore-

Oremus.

OMnipotens, & misericors Deus, qui carnem filij tui in mensa Angelorum manducare præcepisti; concede, quæsumus, ita nos illam dignè manducare, vt eandem ad dexterā tuam in cœlo sedētem videre facias in æternū. Per eundē Christum Dominum nostrū. Amen.

CANTICVM I. 36.

HOc pane refecti, Domine, ad te currunt exultantes; & te solum cupiunt, & sollicitè quærunt inuenire.

Ad æternā gloriam nominis tui omnia operantur; qui dignè sedent in mensa tua.

In manducatione carnis tuæ spem suam ponunt fideles tui; quoniam te fontem omnium bonorum esse credunt in ea.

Propterea dulciùs, quàm mel, & fauus resonat laudatio tua in ore eorum; nec vnquam fatigantur laudantes te manentem in ea.

Thesaurum omnium diuitiarum, & deliciarum inueniunt in hoc pane cœlesti; ideo nunquā discedere vellent à mensa tua. Gloria, &c.

CANTICVM II. 37.

PAnis, & vini accidentia tantum cernimus, Domine; diuinam tamen essentiam tuam,

& humanitatem tuam gloriosam sub illis manere credimus indubitanter.

Plagas tuas in Sacramento non videmus Domine; veruntamen illas cum sanguine tuo pretioso in illis manere fatemur.

Animam tuam, & suppositum tuum oculi nostri non vident in eo; auditus autem, & intellectus noster hæc omnia credunt, & docent.

Propterea veniam peccatorum inveniunt apud te omnes; qui rectè sentiunt de Sacramento corporis tui.

Gratiam tuam Domine das omnibus, qui credentes manducant carnem tuam; & gloriosam mansionem sibi paratam inveniunt in domo Altissimi. Gloria Patri, &c.

CANTICVM III. 38.

Firma, ac tuta defensio nostra est manducatio carnis tuæ Domine; victores enim facit nos in omnibus certaminibus nostris.

Propugnaculū inexpugnabile est panis mensæ tuæ Domine; quasi acies ordinata est aduersus dæmones, & insidias eorum.

Mons magnus, & inaccessibleis est mensa conuiuij tui; ad quem accedere non possunt Diabolus, & Angeli eius.

Tu etenim Altissimus cū Angelis tuis manes in ea; propterea dæmones trementes longè fugiunt ab ea.

Beati

SANCTISS. SACRAMENTI. 41

Beati omnes, qui dignè manducâtes carnem tuam, adhærent tibi; quoniam in viam salutis æternæ dirigūt omnes gressus suos. Gloria, &c.

CANTICVM IV. 39.

Retributionem æternam expectant à te dignè manducantes carnem tuam Altissime; nec vana est expectatio eorum.

Quoniam fidelis es tu in omnibus promissionibus tuis; nullum enim hucusque frustratus es Domine in verbis tuis.

Preces dignè manducantium carnem tuam ex audisti semper; nunquam enim vacuæ reuersæ sunt in conspectu Maiestatis tuæ.

Animas electorum tuorum iustificat manducatio pretiosæ carnis tuæ; propterea tu Domine festinanter exaudis orationes eorum.

Ipsi verò exultantes canticū nouum cantant Maiestati tuæ; dum tecū sedent ad manducandū, & bibendum in sacra mensa tua. Gloria, &c.

CANTICVM V. 40.

Mirabilis es Domine in omnibus operibus tuis; in Sacramento autem Eucharistiæ te quàm mirabilem, & quàm potentem ostendis.

Hoc etenim sacrificium vniuersum orbem terrarum redemit; hoc solum efficaciam habuit

recon-

reconciliandi cum Deo peccatores .

Hoc sacrificiū expectavit Deus Altissimus ;
quoniam te Deum , & hominem obtulisti diu-
næ Maiestati suæ .

Te mirabilem utique in cūctis operibus tuis
agnoscimus ; in Sacramento autem Eucharistiæ
immensæ largitatis tuæ abundantiā prædicamus .

Propterea in libro vitæ scripta sunt nomina
dignè manducantium carnem tuam ; nec vnquā
deleta sunt , neq; delebuntur ab eo . Gloria , &c .

H Y M N V S .

Ecce conuiuium Christifidelium ,
Ad illud currite omnes , qui cupitis
Vestras reficere abundè animas ,
Nam panis est Angelicus .

Manna est equidem cœlestis undique ,
Saporem omnium ciborum conferens ,
Sumentes etenim omnes iustificat ,
Gratosque Deo faciens .

Virosque debiles longè fortificat ,
In bello milites victores efficit ,
Triumphos preparat , palmasque cœlicas ,
Coronas ac perpetuas .

Excelso debitas soluamus Domino
Grates , quas possumus , ut tanti memores
Agnoscat muneris , quod eius Genitus
Suis fecit fidelibus . Amen .

ψ. Panem de cœlo præstitisti nobis. Alleluia.

R. Omne delectamentū in se habentē. Alleluia.

Oremus.

OMnipotens æterne Deus, qui populum
 Israeliticum in deserto degētem, suauis-
 simo cibo quadraginta annis nutritum, in terrā
 promissionis introducere dignatus es; cōcede,
 quæsumus, ita nos sanguine filij tui vnigeniti
 redemptos, carnem eius dignè manducare, vt
 ad terram viuentium, mel, & lac manantem, ,
 ascendere mereamur. Per eundem Christum
 Dominum nostrum. Amen.

CANTICVM I. 41.

NE longè facias auxilium tuum Domine à
 nobis tantum Sacramentum veneranti-
 bus; te etenim in illo manere credentes confi-
 temur.

Coram hæreticis, & infidelibus te Christum
 Dei vnigenitum sub speciebus panis, & vini to-
 tum, & integrum manere prædicamus; nec mar-
 tyrium timemus subire, hoc prædicantes.

Multi namque ab hæreticis, & infidelibus
 interempti sunt; vt tanti Sacramenti veritatem
 defenderent prædicantes.

Veruntamen mercedem copiosam recepe-
 runt de manu benignitatis tuæ; ianuas enim cœ-
 li aperuisti illis ab hac vita migrantibus.

Bene-

Beneplacitum est semper Maieftati tuę super electos tuos; qui sanctā Euchariftiam fumentes, ex toto corde venerati sunt. Gloria Patri, &c.

CANTICVM II. 42.

Confundantur Domine non credentes te manere in Sacramento altaris; obmutescant, & tabescant de eo peruersè loquentes.

Doctrinam autem tuam, & Ecclesię sponsę tuę credentes, consolare Domine; & saluas fac animas eorum.

Magnifica Domine fideles tuos tantum Sacramentum venerantes in terra; & exalta illos in cœlo cum Angelis tuis.

Beati omnes, qui hanc veritatem intelligentes confitentur; quoniam filij Dei, & cohæredes tui constituentur in regno tuo.

Tu Domine cōseruas manducantes carnem tuam, & beatos facis eos; & nūquam tradis eos in manus inimicorū suorum. Gloria Patri, &c.

CANTICVM III. 43.

Pax multa dignè manducantibus panem tuum Domine; quoniam in protectione tua manent vsque ad mortem.

Nunquam præualuerunt dæmones aduersus dignè sedentes in mensa tua; quoniam fortitudine,

tudine, & gratia replentur in ea.

Misericordiam tuam quàm magnam cognoscunt fideles tui; dum reficiuntur carne, & pretioso sanguine tuo.

Innocentes, & mundos quasi Angelos facis manducantes, & bibentes in mensa tua; & quasi sanctos ambulare facis eos in conspectu tuo.

Die, ac nocte benedicunt, & honorificant nomen sanctum tuum; vt dignè semper accedant ad manducandam carnem tuam. Gloria Patri, &c.

CANTICVM IV. 44.

Sicut cerui vulnerati ad torrètem aquarum festinant; ita fideles tui currunt ad Sacramentum fontem aquarum viuentium.

Sanguinem tuum pretiosum bibentes in mensa tua, non sitiunt amplius; quoniam sitis omnium rerum extinguitur in ea.

Propterea cupiunt dissolui, & tecum in celo manere; vt te facie ad faciem videntes, beati uiuant in æternum.

Lacrymas, & preces assiduas effundunt accedentes ad mensam tuam; sic animas suas purificant manducantes carnem tuam.

Exultantes, & lætantes sedent epulantes in mensa tua; & in gratiarum actione manent incessanter. Gloria Patri, & Filio, & Spiritui sancto. &c.

CANTICVM V. 45.

IN tristitia quàm magna viuimus quoadusq;
ad mensam tuam accedimus; in ea etenim
sola tu Domine consolaris fideles tuos.

Dulcedine quàm magna replentur edentes,
& bibentes in mensa tua; propterea ne repellas
nos à manducatione carnis tuæ.

Misericordiam tuam quàm magnã ostendisti
Domine in omnibus operibus tuis; in Sacramē-
to autem Eucharistiæ excessum charitatis tuæ
manifestas nobis.

Propterea nos quoq; igne charitatis accensi,
ad illud conamur accedere; charitatem autem
non habentes indignè manducant carnē tuam.

Iudas etenim non charitate, sed auaritia, &
odio accensus accessit ad conuiuium sacrum
tuum; propterea tradidit te in manus quæren-
tium perditionem tuam. Gloria Patri, &c.

HYMNVS.

H*oc solum sacrificium
Nostræ salutis pretium
Fuit, atque solatium
Beatorum iam unicum.*

*Fortitudo debilium,
Gladius est pugnantium,
Panis esurientium,
Potus & sitientium.*

Falla-

*Fallaces vincit demones,
Aegros reddit incolumes,
Ad vitam vocat mortuos,
Ad fidem sæpe hereticos.*

*Sempiterna sit gloria
Patri, qui solus generat,
Nato, qui solus gignitur,
Ei, qui solus ducitur. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.
Oremus.

OMnipotens, & misericors Deus, qui tantum Sacramentum pro totius mundi salute Maiestati Altissimi offerri præcepisti; concede, quæsumus, ita nos illud deuotè, & sanctè offerre, & sumere, vt eius in nobis beneficia sentiamus æterna. Qui viuis, & regnas Deus in sæcula sæculorum. Amen.

CANTICVM I. 46.

SOla cōgregatio fidelium tuorum nouit virtutem panis tui; propterea sæpe accedunt ad sacram mensam tuam.

Confirma Domine nos famulos tuos in fide, & veneratione tanti Sacramenti; vt resonet in ore nostro apud omnes gentes virtus illius.

Spiritus à Patre, & à te procedens adsit nobis in manducatione carnis tuæ; & ducat nos
ad

ad contemplandam excellentiam virtutis eius.

Sumptio carnis tuæ corda nostra lætificat Domine; propterea confidenter accedimus ad sacrum altare tuum.

Pignus vitæ æternæ datur electis tuis in mensa tua; tu enim dixisti, qui manducat carnem meam, viuet in æternum. Gloria Patri, &c.

CANTICVM II. 47.

Opera tua ante aduentum tuum à te facta audiuimus Domine; quæ quàm magnam, & admirabilem ostendunt Maiestatem tuam.

Transubstantiatio autem panis in carnem tuam, & vini in sanguinem tuum, stupore immenso replet orbem terrarum; amorem enim tuum infinitum ostendit nobis.

Qui manducant panem tuum fortes fiunt in tribulationibus suis; victores autem aduersus dæmones, & peccatores.

Hoc enim cœlesti cibo refecti, non declinamus à præceptis tuis; sed exultantes seruamus mandata, & sancta consilia tua.

Virtus enim eius confortat nos ad faciendam voluntatem tuam; & gaudio magno valde replet corda, & viscera nostra. Gloria Patri, &c.

CANTICVM III. 48.

Virtutem panis mensæ tuæ quàm magnam eructant ora fidelium tuorum; nec timent præ-

prædicantes illam apud hæreticos, & infideles.

Mortem quamvis non timent electi tui docentes veritatem, & efficaciam panis tui; martyrium quoque subirēt exultantes propter eā.

Quasi sagittæ acutę verba prædicantium virtutem cibi mensæ tuæ; hæreticos enim adorare fecerunt corpus, & sanguinem tuum.

Gloria quàm magna est fidelibus tuis prædicare excellentiam conuiuij tui; in hoc enim immensam charitatem tuam manifestam faciunt cunctis habitantibus orbem terrarum.

Propterea principes regni tui constitues dignè manducantes panem tuum; & cohæredes tuos institues eos in æternum. Gloria Patri, &c.

CANTICVM IV. 49.

Refugium electorum tuorum fecisti mensam tuam Domine; auxilium tuum quàm magnum inueniunt in ea.

Propterea epulantes in mensa tua non timēt dæmones, neque insidias eorum; quoniam fortiores fiunt, dum recreantur in ea.

Abundantia gratiarum mensæ tuæ Domine vniuersam Ecclesiam tuam lætificat; animas sedentium in ea sanctificat in perpetuum.

Cum Patre, & sancto Spiritu manes Domine in medio manducantium carnem tuam; nec unquam longè manes ab eis.

D

Tu

Tu Dominus exercituum custodis manducantes carnem tuam; & formidabiles facis eos Diabolo, & Angelis eius. Gloria Patri, &c.

G A N T I C V M V. 50.

Per vniuersum orbem terræ omnes fideles plaudentes manibus hoc Sacramentum venerantur; & exultantes manducant illud.

Carnem tuam manducant, & sanguinē tuum bibunt; dum carnem tuam tantum sumunt de manibus sacerdotum tuorum.

Te filium Altissimi in Sacramento manere credunt, & confitentur; te filium Marię semper intactę adorant in eo.

In cœlum ascendens, Ecclesię tuę reliquisti illud; tanquam verum, & vnicum cibum constituisti illud electis tuis.

Super omnes reges, & populos eorū regnas Domine propter fidem tanti Sacramenti; super illud etenim fundata est vniuersa Ecclesia tua. Gloria Patri, &c.

H Y M N V S.

Viros innumeros hoc sacrificium
Ad fidem currere fecit Catholicam
De manu demonum illos eripiens,
Deique natos faciens.

Hoc

*Hoc nobis patriæ iter tutissimum
 Cœlestis indicat, expellit dæmones,
 Nostras ne semitas rectas impediunt,
 Salutem iam dum quærimus.*

*Culpis hoc omnibus quamuis grauissimis
 Nostris sufficiens, quinimmo efficacæ
 Est in perpetuum datum remedium
 A Christo cœli Domino.*

*Cœlorum machinam immensam Domino
 Regenti gloriam, atque perpetuum
 Cultum alacriter soluamus latruium
 Obtantum beneficium. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

DEus, qui vt electis tuis immensam charitatem tuam ostenderes, sanctissimum Eucharistiæ Sacramentum instituisti; concede, quæsumus, vt tantam illi venerationem exhibeamus, vt perpetuo amoris tui igne accensi, te super omnia diligere valeamus. Qui viuis, & regnas Deus per omnia sæcula sæculorū. Amē.

CANTICVM I. 51.

TE quàm potentem, & mirabilem in hoc Sacramento prædicamus Domine, in quo accidentia sine subiecto manere credimus.

Fundamentum vniuersæ Ecclesiæ tuæ factū

D 2 est

est Sacramentum Altaris; propterea solemnitatem quàm celeberrimam exultans decantat in memoriam eius.

Omnes populi, & nationes congregantur ad venerandum corpus tuum; dulces hymnos, & psalmos per plateas, & vicos ciuitatum, & oppidorum concinunt lætantes.

Dæmones autē contremiscunt, & tabescunt videntes fidem, & deuotionem eorum; & tanquam leones rugientes insurgunt aduersus eos.

Noſ autem fideles tui mentes nostras eleuamus ad contemplandam virtutem panis mensę tuę; & illam prædicamus coram omni populo orbis terræ. Gloria Patri, &c.

CANTICVM II. 52.

A Pud omnes gentes, & nationes hoc Sacramentum veneratur; quoniam vbique terrarum fundata est Ecclesia tua Domine.

Ab vberibus matrum suarum fideles tui sub speciebus panis, & vini carnem, & sanguinem Christi manere confitentur; propterea ab infanzia gaudentes accedunt ad mensam tuam.

Pretium redemptionis animarum suarum inueniunt in ea; etenim Christus Redemptor mundi manet in pane eius.

Hunc panem dignè manducantes, mortem non gustabunt in æternum; quoniam Christum vitam

vitam æternam sumunt manentem in eo.

Qui Christo adhæret manducans carnẽ eius, vnum efficitur cum eo; ideo Diabolus, & Angeli eius non possunt nocere ei. Gloria Patri, &c.

CANTICVM III. 53.

DE excelso throno glorię suę respicit Deus super manducantes carnem filij sui; & tanquam pupillam oculorũ suorũ custodit eos.

Oculis misericordiæ suę respicit eos semper; & aures suas attentas habet ad preces eorum.

A morte æterna liberat eos Altissimus; & in domo sua præparat mansiones eorum.

Adiutor, & protector est epulantium in mensa sua; dum dignè accedunt ad manducandam carnem filij sui.

Misericordiam suam nunquam auertit Dominus ab electis suis; quoniam ex toto corde Christum filium suum venerantur in Sacramento Altaris. Gloria Patri, &c.

CANTICVM IV. 54.

Accedentes dignè ad cęnam Christi, omnes illuminantur; propterea nunquam declinant à via mandatorum eius.

Voluntatem manducantium carnem Christi facit Deus; quoniam quæcunque appetentes

quærunt accipiunt de manu eius.

Angelos suos mittit Dominus ad custodiendos sedentes in conuiuio mensæ suæ; & longè facit dæmones à domibus eorum.

Quàm suauem esse agnoscunt Dominū, manducantes carnem Christi; beati omnes, qui sentiunt dulcedinem eius.

Qui longè manent à mensa Christi, semper esuriunt; quoniam panis eius solus satiat esurientes. Gloria Patri, &c.

CANTICVM V. 55.

Qui sperāt in Domino, & faciūt volūtatem eius, dignè excipiūtur ad mēsam Christi, & delicijs Angelorum pascūtur in ea.

Plusquàm Sol meridianus in æstate coruscāt mētes dignè accedentium ad sacram Synaxim; Angeli enim fiūt māducātes carnē Christi in ea.

Diuitias æternas hæreditabunt omnes Christifideles carnem eius manducantes; quoniam cohæredes illius fiunt in mensa cœlorum.

Melius est semel dignè manducare carnem Christi; quàm assiduè manducare in mensis dominorum, & regum terræ.

Abominationem quàm magnā faciunt cibus, & potus regum carnem Christi manducātibus; quoniam verus cibus, & potus est caro, & sanguis eius pretiosus. Gloria Patri, &c.

H Y M.

HYMNVS.

Panis iste sanctus,
 Angelorum cibus,
 Plusquàm melis fauus
 Dulcis est gustanti.

Ex paterno venit,
 Regalique sinu,
 Ventrem illibatum
 Mox Mariæ intrans.

Cibus ecce verus
 Factus est æternus,
 Solis Dei natis,
 Hunc qui dignè edunt.

Deo cæli omnis
 Laus, virtus, honor
 Esto sempiternus
 Semper iam viuenti. Amen.

ψ. Panem de cælo præstitisti nobis. Alleluia.

℞. Omne delectamentū in se habentē. Alleluia.

Oremus.

Deus, qui carnem tuam nobis fidelibus tuis
 in cibum, cælum ascendens, reliquisti;
 fac nos ita dignè illam manducare, vt cohære-
 des tuos in regno Patris tui fieri mereamur.
 Qui cum eodem Deo Patre, & Spiritu sancto
 viuis, & regnas Deus in sæcula sæculorum.
 Amen.

CANTICVM I. 56.

TV Chrifte filius Dei viui dixisti Apostolis tuis ; caro mea verè est cibus , & sanguis meus verè est potus.

Ab ortu Solis vsque ad occasum peruenit doctrina tua ; & omnes habitantes orbem terrarum credentes prædicant eam .

In Ecclesijs fideles tui congregati te in Sacramento venerantur ; post autem penitentiam deuotissime accedunt ad illud .

In cælum mentes suas eleuantes contemplantur mysteria passionis tuæ ; & pretium redemptionis inueniunt in eo .

Oculis Altissimi acceptabile semper fuit sacrificium istud ; quoniam tu te ipsum offers in eo diuinæ Maiestati suæ . Gloria Patri, &c.

CANTICVM II. 57.

CArnem tuam , & sanguinem tuum sumimus Domine ; dum manducamus , & bibimus in mensa tua .

Esurientes , & sitientes reficit caro tua , & sanguis tuus ; propterea sacerdotes , & plebs tua fidelis nunquam discedunt à mensa tua .

Hoc sacrificium immolamus Altissimo in cunctis necessitatibus nostris ; hoc enim solum
statim

statim placat iram indignationis suæ.

Deum Patrem, & te Verbum eius incarnatum, & Spiritum sanctum honorificamus, hunc panem manducantes; Mariam quoque, & omnes ciues cœlorum lætificamus.

Sacrificium laudis, & honoris, iustitiæ, & gloriæ offertur Maieitati Altissimi; dum sacerdotes, & fideles tui sedent in mensa tua. Gloria Patri, &c.

CANTICVM III. 58.

Plusquàm nix dealbantur dignè epulantes in mensa tua Domine; similes enim Angelis fiunt in ea.

Propitio, ac sereno vultu respicis vescentes pane mensę tuæ; & nunquam ab eis auertis oculos tuos.

Corde manducantium carnem tuam tu Domine renouas semper; & viscera eorum igne amoris tui vehementer accendis.

Faciẽ benignitatis tuæ ostendis deuotè manducantibus carnem tuam; nec odio habuisti eos aliquando.

Spiritum sanctum tuum inhabitare facis in cordibus manducantium, & bibentium in mensa tua; propterea sæpè accedunt ad illam exultantes. Gloria Patri, & Filio, & Spiritui sancto. &c.

CANTICVM IV. 59.

Gratiam super gratiam præstas dignè manducantibus carnem tuam Domine; participes autem facis eos diuinitatis tuæ.

A peccato præseruas edentes panem mensæ tuæ; & in viam certam, & securam salutis dirigis gressus eorum.

Oculis benignitatis tuæ respicis offerentes sacrificium istud; & aures tuas nunquam auertis à precibus eorum.

Nihil acceptabilius Deo, quàm hoc sacrificium dignè oblatum, & sumptum; in hoc enim Christus Deus, & homo offertur Altissimo.

Propterea omnes carnem Christi dignè manducantes iustificat Dominus; & saluas facit animas eorum. Gloria Patri, &c.

CANTICVM V. 60.

GLoriantur Christifideles hoc Sacramentum venerantes; quoniam certi sunt hoc satis placere oculis Maiestati Altissimæ.

Propterea singulis diebus sacrum faciunt sacerdotes; plebs autem fidelis cum illis carnem Christi manducant exultantes.

Vt pupillam oculi sui diligit Deus venerantes filium suum sub accidentibus panis, & vini;
quo-

quoniam fidem quàm magnam respicit in cordibus eorum .

Tanquam electos suos in libro vitæ scripsit Deus dignè manducantes carnem filij sui ; ideo tanquam filios diligens, semper dilexit eos.

Æternam hæreditatem expectant de manu Dei dignè sedentes in cœna Domini ; mercedem copiosam, & supereffluentem paravit eis Altissimus. Gloria Patri, &c.

H Y M N V S.

Istud tam maximum nos sacrificium
Deo offerimus nostro auxilium
Petentes filij ad suam dexteram
Sedentis, dum affligimur .
Nihil nam sanctius, nihilue melius
Offerri oculis potest Altissimi,
Quàm sacrificium istud, quod Dominus
In cruce pendens obtulit .
Hinc sue aperuit manus clementie
Deus omnipotens, pius, ac sapiens
Dona charismatum nobis elargiens,
Cunetaque mala auferens .
Cunctorum Domino nos exercituum
Regi cœlestium sanctorum civium
Nostra iam supplices flectamus genua
Omnem cantantes gloriam . Amen .

V. Panem de cœlo præstitisti nobis. Alleluia.

R. Omne delectamentū in se habentē. Alleluia.

Ore-

Oremus.

OMnipotens æternæ Deus, qui nobis tua pietate tam mirabile Sacramentum fontem vitæ æternæ continens, donare voluisti; fac nos, quæsumus, ita illud in terra venerari, ut eius aquam in cœlo bibentes, tecum in regno tuo in æternum viuere mereamur. Per eundem Christum Dominum nostrum. Amen.

CANTICVM I. 61.

IN virtute corporis, & sanguinis tui Domine iustifica nos peccatores; in manducatione carnis tuæ sanctifica, & beatifica nos fideles tuos.

Orationes epulantium in mensa tua exaudi Domine; aures clementiæ tuæ aperi precibus eorum.

Aduersus dignè accedentes ad mensam tuam Diabolus, & Angeli eius insurgunt; & in fortitudine sua quærunt perdere animas nostras.

Auxiliare nobis vescentibus pane mensæ tuæ; fortitudinem autem dæmonum contere in virtute carnis tuæ.

Carnem tuam edentes, & sanguinem tuum bibentes te Deum, & hominem confitemur; quoniam ex omni tribulatione eripis credentes te manere in Sacramento Altaris. Gloria Patri, &c.

CAN-

CANTICVM II. 62.

PReces dignè manducantium carnem tuam non despicias Domine; sed illas in conspectu tuo intrantes, semper exaudis.

Pennas assument orationes sedentium in mensa tua; & velocius, quàm Aquilæ volantes, ianuas cœli ingrediuntur.

Ad te clamamus Domine, pane Angelorum recreati; tu autem exaudiendo, consolaris nos fideles seruos tuos.

Vespere, mane, & meridie laudantes magnificamus te, edentes carnem tuam; & memoriã passionis tuæ facimus semper, & vbique.

In virtute carnis tuę spem nostram ponimus, illam manducantes; tu autem non fraudas nos desiderio cordis nostri. Gloria Patri, &c.

CANTICVM III. 63.

CArnem tuam dignè manducantium miseris Domine; propterea dæmones non prævalent aduersus eos.

Sedentes in mensa tua non timebunt manere in conspectu tuo in die iudicij; quoniam in te sperabunt, propter dignam manducationem carnis tuæ.

Fideles tui in mensa tua vegetati, fortes fiunt
ad-

aduersus persecutores suos; quinimmo letantes patiuntur persecutiones eorum.

Lacrymas, & preces manducantium panem mensæ tuæ benignè respicis semper; & ianuas cœli ingressas semper exaudis eas.

Animas eorum de laqueo peccatorū ereptas custodis semper; & tanquam Solem coruscare facis eas in conspectu tuo. Gloria Patri, &c.

CANTICVM IV. 64.

SVb umbra alarum tuarum securi manent edentes carnem tuam Domine; & læti expectant nouissimum diem suum.

De cœlo mittit Altissimus auxilium suum dignè sedentibus in cœna sancta tua; quoniam vt pupillam oculorum tuorum diligit eos.

Deum viuum exaltât fideles edentes carnem tuam sanctam; propter hoc enim fides tua resonat per vniuersum orbem terrarum.

Apud omnes populos, & nationes terræ solemnitas huius Sacramenti deuotè celebratur; in hymnis, & canticis, in psalmis, & organis veneratur vbique.

Super cœlos exaltaris Domine ab Angelis, & ab omnibus virtutibus cœlorum; dum carnem tuam nos dignè manducamus in terra.
Gloria Patri, &c.

V Erè vtique caro tua cibus est, & sanguis tuus potus; propterea tanquam aurum in fornace probati accedimus ad mensam tuam.

Aures suas claudant fideles tui consilijs Diaboli; dum à fide tanti Sacramenti eos declinare conantur.

Tu verò confortans eos, victores facis eos in bello; dæmones autem confusos abire facis à conspectu eorum.

Lætantur omnes edentes carnem tuam, victoriam portantes ab infidijs Diaboli; & gratias agunt Maiestati Dei Altissimi.

Propterea in cordibus eorum desiderium maius accenditur comedendi carnem tuam; maiori quoque contritione, & humilitate accedunt ad eam. Gloria Patri, &c.

H Y M N V S.

T *V* dignè manducantium
 Carnem tuam sanctissimam
 Auditum præstas precibus,
 Quot petunt donans gratias.
 Nam grandis pennas Aquilæ
 Sumentes intrant ianuas
 Cælorum, atque rogitant
 Tuam Deus clementiam.

Tu illis manus aperis

Benignas, atque cœlicas,

Nec illas putas claudere,

Ostendens te quàm diuitem.

Tibi Pater, ac Filio,

Sancto simul Spiritui

Omnis sit, & quàm maxima

Aeterna quoque gloria. Amen.

℣. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

DEus, qui Ecclesiam tuam sanctissimæ Eucharistię Sacramento tua pietate munire dignatus es; præsta, quæsumus, vt eius virtute nos fideles tui recreati, ita fortes aduersus inimicos nostros fiamus, vt fructus eius & præsentis, & futuros consequi valeamus. Qui viuis, & regnas Deus per omnia sæcula sæculorum. Amen.

CANTICVM I. 66.

Carnem tuam dignè manducantes tu Domine nūquam repulisti à sacra mensa tua; nec aduersus eos iratus es aliquando.

Verum, & dulcem æstimant sermonē tuum fideles tui; dum dicis, Qui manducat carnem meam, & bibit sanguinem meum, viuet in æternum.

Sub

Sub speciebus panis, & vini carnem, & sanguinem tuum sumimus; non autem sub speciebus corporis tui.

Ad Hierusalem cœlestē deducis dignè manducantes carnem tuam; diademata regni tui ponis super capita eorum.

In manducatione carnis tuæ mirabilia faciūt fideles tui; seipfos enim contemnunt, & mundū cum pompis eius. Gloria Patri, &c.

CANTIGVM II. 67.

TVRRIS fortitudinis est caro tua, & sanguis tuus sedentibus in mensa tua Domine; ideo contremiscunt dæmones videntes eos.

Tecum in æternum manebunt in regno tuo edentes, & bibentes in mensa tua; inebriabuntur ab vbertate deliciarum domus tuæ.

Quàm magna est hæreditas manducantium panem mensæ tuæ; quoniam tecum viuent in aula tua in æternum.

In conspectu tuo exultantes manebunt edentes panem tuum; lætitiā, & gaudium eorum quis vnquam enarrabit?

Dulces hymnos, & psalmos cantabunt nomini tuo cum Angelis in sæculum sæculi; nec aliquando cessabunt à laudibus tuis. Gloria Patri, &c.

CANTICVM III. 68.

TAnquam fideles serui tui præcepta tua custodiunt sodales mensæ tuæ; quoniam voluntates suas subijciunt volûtati Maiestatis tuæ.

Tu verò tâquam electos tuos custodis dignè accedentes ad sacrum Conuiuium tuum; ideo nunquam transgrediuntur mandata legis tuæ.

Preioso sanguine tuo redempti sunt dignè vescentes carne tua; propterea in protectione tua manent vsque ad mortem.

In te solo Deo viuo, & vero sperant edentes carnem tuam; & mundi contemptores fiunt, prægustata dulcedine eius.

Ad delicias cœlestis mensæ tuæ tu Deus expectas manducantes panem tuum; illic enim in visione diuinitatis, & humanitatis tuæ satiabuntur in æternum. Gloria Patri, &c.

CANTICVM IV. 69.

MAnè diluculò surgentes præparant se fideles tui; vt dignè accedant ad sacram mensam tuam.

Tanquam esurientes, & sitientes satiandi festinant ad sacras ædes tuas; cibum enim vitæ æternæ inueniunt in eis.

Ad pedes sacerdotum tuorum cordibus contritis

tritis prosternunt se; cuncta peccata sua lacry-
mantes confitentur eis.

Tanquam misericordiam à te consecuti ac-
cedūt ad mensam Conuiuij tui; humiles tamen,
& trementes vescuntur pane tuo.

Et quasi adipe, & pinguedine cœlesti repleti,
ad cœlum eleuant mentes suas; & Altissimo gra-
tias agentes, cum exultatione reuertuntur ad
domos suas. Gloria Patri, &c.

CANTICVM V. 70.

A' Conuentu, & congregatione dæmonum
eripis Domine manducantes panē men-
sæ tuæ; & exaudis eos clamantes ad te.

Accedētes ad mensam cœnæ tuæ Dñe de se-
de Altissimæ Maieſtatis tuæ benignissimè respi-
cis; ad preces autem eorum inclinas aures tuas.

Quasi sagittæ acutæ sunt linguæ manducan-
tium carnem tuam aduersus dæmones; quoniã
verba salutis exeunt de labijs eorum.

Propterea conturbantur, & cruciantur dæ-
mones audientes sermones dignè manducan-
tium panem tuum; & insidias quàm magnas, &
multas parant ad decipiendum eos.

Sed tu Dominus adiutor, & protector es co-
medentium, & bibentium in sacra mensa tua;
nec derelinquis eos in tempore tentationis, &
tribulationis eorum. Gloria Patri, &c.

HYMNVS.

Regni tui diadema,
 Sceptraque perpetua
 Cunctis dignè carnem tuam
 Dabis manducantibus;
 Tecum namque corregnabunt
 Nouum vsque seculum.

Nam ad illud elegisti
 Ab eterno Domine
 Tua quidem bonitate,
 Solaque clementia
 Carnem tuam manducantes,
 Bibentesque sanguinem.

Generanti sit eterna
 Coequalis Genito,
 Ab utroque Procedenti
 Laus, virtus, gloria,
 Sitque honor, sitque decus,
 Omneque imperium. Amen.

℣. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

Omnipotens, & misericors Deus, qui no-
 bis famulis tuis in verum cibum, & ve-
 rum potum carnem tuam, & sanguinem tuum
 relinquere voluisti; fac, quæsumus, ita nos illum
 dignè manducare, & bibere, vt cœlestis mensæ
 tuæ

SANCTISS. SACRAMENTI. 69

tuæ delicijs cum omnibus electis tuis in æternum perfrui mereamur . Qui viuis , & regnas Deus in sæcula sæculorum . Amen .

CANTICVM I. 71.

Panem tuum omnis honor decet Domine ; quoniã caro tua , & sãguis tuus manet in eo .

Beati omnes , quos federe facis in sancta mensa tua ; carnem enim tuam manducant , & sanguinem tuum bibunt in ea .

Diuitijs domus tuę reple sedentes in mensa cœnæ tuæ ; propterea exultantes accedunt ad eam fideles tui .

Dulcedine panis tui inebriati electi tui non esuriunt , neque sitiunt amplius ; quoniam sola caro tua satiare potest animas eorum .

Panem Angelorum , & fontem aquarum viventium parasti electis tuis Domine ; & vbertate domus tuæ replebis dignè manducantes carnem tuam . Gloria Patri , &c .

CANTICVM II. 72.

Exultantes tibi iubilant comedentes panem tuum Deus ; & psallentes glorificant nomen Maiestatis tuæ .

Mirabilem prædicant te , qui reficiuntur in mensa tua ; quoniam quàm magnum , & quàm

bonum cognoscunt te in ea.

Etenim panis in carnem, & vinum in sanguinem conuertuntur in mensa altaris tui; dum sacerdotes dicunt, Hoc est corpus meum, & hic est calix sanguinis mei.

Sacras ædes tuas ingrediuntur ad conficiendum corpus, & sanguinem tuum; & tanquam dignum holocaustum offerunt illud Altissimo.

Carnem tuam manducant, & sanguinē tuum bibunt in mensa tua; suauitatem, & vbertatem quā magnam, & ineffabilem inueniunt in ea. Gloria Patri, &c.

CANTICVM III. 73.

Misericordiam quā magnam ostendis dignē māducantibus carnem tuā; & benedictionem copiosam descēdere facis super eos.

Mentes sedentium in mensa tua illuminas Domine; nec errare facis eos aliquando.

Viam mandatorum tuorum doces edentes panem sacræ mensæ tuæ; vt sanctè ambulent in conspectu tuo.

Te Deum verum, & hominem confitentur omnes comedentes panem mensæ tuæ; te in manibus omnium sacerdotum celebratum esse credunt, & docent vbiq̃ue.

Nomini sancto tuo benedicunt satiati in sacra mensa tua; & illud venerari non cessant aliquando. Gloria Patri, &c.

CANTICVM IV. 74.

A' Facie dignè manducantium carnē tuam Domine fugiunt Dæmones; quoniã non magis cruciantur in inferno, quàm vidētes eos in mensa tua.

Fortitudo Diaboli, & Angelorū eius deficit in conspectu sedentium in mensa tua Deus; & quasi cera à calore ignis liquefiunt in virtute carnis tuæ.

Fideles autē tui exultant epulantes in mensa tua; & sacrificium laudis offerūt Maieitati tuæ.

In dulcedine magna parasti mensam conuiuij tui electis tuis; propterea tanquam sitientes, & leones esurientes currunt ad eam.

Mirabilia faciunt comedentes carnem tuam; ad vitam enim mortuos vocant, cœcos illuminant, & ægros reddunt incolumes. Gloria, &c.

CANTICVM V. 75.

Zelum domus tuæ quàm magnum habent epulantes in mensa tua Domine; propterea Ecclesias magnificas ædificant Maieitati tuæ, & fatis exornant illas.

Psalms, & hymnos decantant tibi bibentes sanguinem tuum; quoniam potus illius lætificat corda, & viscera eorum.

In escam perpetuam dedisti carnem tuam,
electis tuis; & in potum æternum dedisti eis pre-
tiosum sanguinem tuum.

Mensam Angelorum mensam hominū fecisti
Domine; quoniā Angeli solum, & homines tecū
habitabunt in domo tua in sæculum sæculi.

Cohæredes tuos fecisti epulantes in mensa
cœnæ tuæ; ideo cœlos ascendentes in æternum
collaudabūt nomen Maiestatis tuę. Gloria, &c.

H Y M N V S.

Mensam Angelicam en mensam hominum
Te manducantium fecisti Domine;
Eandem etenim carnem, & sanguinem
Tuum sumunt sanctissimum.

Quam magnam continet istud conuiuium,
Ac ineffabilem quidem dulcedinem
Christi fidelium mentes iuebrians,
Illasque sanctas faciens.

Cœli diuitias promittis omnibus
Tua vescentibus carne sanctissima,
Tuumque sanguinem dignè bibentibus;
O magna viri dignitas.

Laudes ingenito Patri perpetuas,
Natoque genito, atque Paraclito
Sancto Spiritui soluamus maximo,
Omni que cordis gaudio. Amen.

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Ore-

Oremus.

DEus, qui Ecclesiam tuam per totū orbem terrarum diffusam, sanctissimi Eucharistiæ Sacramenti perpetua solemnitate mirum in modum lætificare dignaris; fac nos, quæsumus, ita illud dignè venerari, vt quod in terris credentes celebramus, facie ad faciem in cœlis videre mereamur. Qui viuis, & regnas Deus in sæcula sæculorum. Amen.

CANTICVM I. 76.

Perpetuis laudibus replentur ora agentium Synaxim in Ecclesia tua; & gloriam quàm magnam exultâtes cantant nomini sancto tuo.

Tu Deus non elongaris à dignè manducantibus carnem tuam; sed in auxilium eorum respicis semper.

Tribulationes multas, & assiduas patiuntur accedentes ad sanctam mensam tuam, vt in dies sanctiores fiant in conspectu tuo.

Tu autem Domine Deus tanquam electos tuos consolaris eos; ne vnquam longè fiant à mensa tua.

Propterea de die in diem multiplicantur fideles tui manducantes carnem tuam; & labijs exultationis gloriam decantant Altissimæ Maiestati tuæ. Gloria Patri, & Filio, & Spiritui sancto, &c.

CAN-

CANTICVM II. 77.

REges terre, & principes eorum diademata deponunt accedentes ad mensam conuiuij tui; & tanquam Deum, & Redemptorem suum adorant te manentem in eo.

Humiles, & inermes manducant panem mensæ tuæ; quoniam te Deum deorum, & Dominum dominantium credunt, & prædicant.

Diuites, & nobiles, pauperes, & serui edunt in mensa tua; quoniam omnes redemisti pretioso sanguine tuo.

Panem Angelorum credunt se manducare sedentes in mensa tua; propterea veste nuptiali, & Angelica accedere conantur ad eam.

Gloria Altissimæ Maiestatis tuæ cœlum, & terra replentur; dum carnem tuam dignè manducant fideles serui tui. Gloria Patri, &c.

CANTICVM III. 78.

Quam bonus, & quàm clemens es tu Domine Deus noster in omnes; qui mundo corde manducant panem sacræ mensæ tuæ.

Ab omni peccato longè fiunt refecti cibo mensæ tuæ; caro enim tua sanctos facit dignè manducantes eam.

Plus-

Plusquàm in scholis sapientes fiunt sedentes in mēsa tua; timorem etenim, & amorem tuum discunt in ea.

Nihil in terra quærunt gustātes dulcedinem panis mensæ tuæ; sed quæ sursum sunt, non quæ super terram.

Quoniam adhærentes mensæ conuiuij tui membra fiunt corporis tui; & tibi soli placere conantur in omnibus operibus suis. Gloria Patri, &c.

CANTICVM IV. 79.

Dexteram tuam Domine nunquam auertis de medio manducantium panem tuum; quoniam die, ac nocte manent iuxta te Dominum Deum suum.

Ab æterno in filios tuos elegisti dignè epulantes in mensa tua; propterea nunquam ab illis elongas auxilium dexteræ tuæ.

Animas sedentium in mensa cōuiuij tui nunquam oblitus es Domine; nec tradidisti eas in manibus inimicorum suorum.

Oculis misericordiæ tuæ respicis edentes carnem tuam; auribus autem pietatis tuæ audis preces eorum.

Ex toto corde collaudant te sodales mensæ tuæ; post autem gratiarum actiones exultantes surgunt ab ea. Gloria Patri, &c.

CANTICVM V. 80.

TE Deum, & Dominum nostrum confitemur epulantes in cœna sacra tua; & colaudantes inuocamus nomen sanctum tuum.

Te mirabilem prædicamus in manducatione carnis tuæ; quoniam panis in carnem, & vinum in sanguinem transit in Altari tuo.

Quasi cera liquefiunt viscera vescentium pane tuo; dum in meditatione illius ponunt præcordia sua electi tui.

Nos ipsos exinanimus accedentes ad sacram cœnam tuam; carnem enim tuam, & sanguinem tuum gustare credimus in ea.

Carnem tuam sub speciebus panis māducantes sanguinem quoq; tuum bibere confitemur; sanguinem autem tuum sub speciebus vini bibentes, carnem quoque manducare credimus indubitanter. Gloria Patri, &c.

HYMNVS.

Cœlum cœli, orbis terræ
 Magna Deus gloria
 Coruscare iam videntur,
 Dum fideles comedunt
 Dulcem tuæ mensæ panem,
 Tuum bibunt sanguinem.

Ange-

*Angelorum omnis ordo
Collaudantes resonant,
Dulces hymnos, atque psalmos
Incessanter personant,
Iustorumque chorus almus
Sanctis cum virginibus.*

*Deum trinum collaudemus,
Atque indiuiduum,
Qui iam felix semper vixit
Ante mundi fabricam,
Quique illam solus regit
Cunctis esse tribuens. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

Corporis, & sanguinis tui Domine nos fideles tuos solemniter celebrātes oculis misericordiæ tuæ respicere digneris, ut, te protegente, ita sanctè illa celebremus, ut & fidem, & deuotionem illius ad omnes populos, & nationes peruenire videamus in dies. Qui uiuis, & regnas Deus in sæcula sæculorum. Amen.

CANTICVM I. 81.

Quam valde magnificatur nomen tuum Deus à dignè manducantibus carnem filij tui; propter hoc enim multi conuertuntur ad fidem tuam.

In

In pace perpetua viuunt comedētes panem mensæ filij tui; quoniam confortas eos in tribulationibus suis.

Arcum, scutum, gladium, & omnia arma Diaboli confringunt sedentes in mensa Unigeniti tui; quoniam fortiores, quàm dæmones, fiunt in manducatione carnis eius.

De excelsa throno gloriæ tuæ auxilium magnum descendit super omnes; qui manducant, & bibunt in mensa dilecti filij tui.

Propterea terribiles, & formidabiles fiunt Diabolo, & Angelis eius omnes; qui epulantur cū Christo in sancta mēsa eius. Gloria Patri, &c.

CANTICVM II. 82.

VOcem manducantium panem mensæ tuæ libenter audis Domine; quoniam fides eorum glorificat Maiestatem tuam apud omnes gentes.

Manducantes carnem tuam manus suas ad te eleuāt in tribulationibus suis; tu autē semper consolaris eos tanquam fideles seruos tuos.

Misericordiam tuam nunquam longè facis ab epulantibus in cœna tua; quoniam tanquam charissimos amicos tuos diligis eos.

Cum vescentibus pane tuo libenter habitas tu Dominus; domum enim tuam fecisti animas eorum.

SANCTISS. SACRAMENTI. 79

Tanquam oues tuas per vias rectas deducis
fodales mensæ tuæ; ne Diabolus tollat eas de
manibus tuis. Gloria Patri, &c.

CANTICVM III. 83.

IN lege tua meditantur die, ac nocte come-
dentes panem sanctum tuum; nec vnquam
obliuiscuntur sancta consilia tua.

Spem suam in te ponunt dignè epulantes in
mensa tua Domine; quoniam te summum bo-
num nouerunt in manducatione carnis tuæ.

Propterea nunquam obliuiscuntur accedere
ad conuiuium cœnæ tuæ; nec vnquam longè
fiunt à sancta lege tua.

Dulcedinem panis tui cognoscunt dignè se-
dentes in mensa sancta tua; ideo quasi esurien-
tes sæpe accedunt ad illam.

Omnibus gentibus, & populis orbis terre pa-
raisti mensam tuam, vt venientes læti mandu-
cent, & bibant tecum in ea. Gloria Patri, &c.

CANTICVM IV. 84.

PAne cœlesti satiantur electi tui manducan-
tes carnem tuam; tu enim Domine dixisti,
Ego sum panis viuus, qui de cœlo descendi.

Mensam cœlestē paraisti dilectis tuis in terra;
vt beatificares eos in æternum in regno tuo.

Pro-

Propterea gratiam super gratiam prestas dignè manducantibus panem mensæ tuæ; ut ex sanctis sanctiores fiant in conspectu tuo.

Carnem tuam manducantes, non fraudantur à desiderio cordis sui; quoniam plusquam petunt, & appetunt, accipiunt de manibus tuis.

Carne tua Domine pascis electos tuos, & sanguine tuo potas eos; & nunquam de mensa tua expellis eos. Gloria Patri, &c.

CANTICUM V. 85.

A Eternam hæreditatem tuam præparasti epulantibus in mensa tua Domine; quoniam ab æterno in filios tuos elegisti eos.

Sanguine tuo pretioso redemisti dignè accedentes ad cœnam tuam; propterea sanguine quoque tuo sub speciebus vini potas eos.

Propitius es semper, & ubique comedentibus panem tuum; & de die in diem iustificas eos.

In conspectu tuo ascendunt orationes dignè epulantium in mensa tua; tu autem tanquam benignus, & clemens semper exaudis preces eorum.

Tanquam oves tuas pascis fideles pane tuo Domine; ipsi verò vocem tuam audiētes, semper faciunt voluntatem Maiestatis tuæ. Gloria, &c.

H Y M-

H Y M N V S.

DE throno gloriae tuae quam maximum
Mittis auxilium dignè sumentibus
Corpus, & sanguinem tuum sanctissimum,
Nam satis eos diligis.

Sciunt iam demones sub accidentibus
Panis existere carnem Dominicam,
Eiusque sanguinem pretiosissimum,
Cibum tantùm fidelium.

Exinde demones trementes fugiunt
Illorum faciem, utque famelici
Leones rugiunt, parare queritant
Novas illis insidias.

Cœlorum Domino, & exercituum
Sit iubilatio, ac benedictio,
Simul & unica, trinaque gloria
Per cuncta semper sæcula. Amen.

℣. Panem de cœlo præstitisti nobis. Alleluia.

℞. Omne delectamentum in se habentem. Alleluia.

Oremus.

DEus, quem non solum essentialiter, præsen-
tialiter, & potentialiter ubique manere
credimus, & fatemur; sed nobiscum etiam sacra-
mentaliter, & virtualiter; fac, quæsumus, ita nos
hoc sanctissimum Eucharistiæ Sacramentum ve-
nerari, ut te gloriosum videre mereamur in cælis.
Qui vivis, & regnas Deus in sæcula sæculorum.
Amen. F CAN-

CANTICVM I. 86.

P Anem lacrymarum manducamus Domine
antequam accedamus ad mensam tuam; vt
dignè manducemus carnem tuam.

Faciem benignitatis tuæ ostendis dignè se-
dentibus in cœna tua; & in hora mortis non de-
relinquis eos.

Tanquam dux itineris per vias salutis ducis
epulantes in mensa tua; ne forte ad lapidem
offendant pedes suos.

Sæpè tu Domine visitas comedētes carnem
tuam; quoniam vt pupillam oculorum tuorum
ab æterno dilexisti eos.

Mentes comedentium in mensa conuiuij tui
semper illuminas; & Spiritum sanctum tuum
inhabitare facis semper in eis. Gloria Patri, &c.

CANTICVM II. 87.

E Xultantes collaudamus te Domine in men-
sa tua recreati; inebriati autem honorifi-
camus te filium Dei Altissimi.

Psalms, & hymnos in cythara cantamus ti-
bi sedentes in mensa tua; quoniam sacrificium
laudis offerri decet in ea post manducationem
carnis tuæ.

In omni tribulatione tu Dominus consolaris
dignè

SANCTISS. SACRAMENTI. 83

dignè sedentes in cœna sancta tua; & tanquam aurum in fornace probas eos.

Deus manducantium carnem tuam es tu Domine; ipsi autem cohæredes tui, & filij Patris Altissimi.

Propterea ex adipe frumenti cibas eos in sacra mensa tua; & vino meracissimo potas illos in ea. Gloria Patri, &c.

CANTICVM III. 88.

IN medio epulantium in mensa tua gloriaris Domine; propterea nūquā tu discedis ab eis.

Viam peccatorum odio habent sedentes tecum in sacra mensa tua; veruntamen preces effundunt tibi pro conuersione illorum.

Quā multos peccatores iustificas Domine precibus epulantiū in mensa tua; quā multos de manu dæmonis eripis, saluos faciens eos.

Deos, & filios Excelsi vocas vescentes carne tua; & principes regni tui ab æterno constitui eos.

In æterna memoria tua scripsisti omnes dignè manducantes panem mensæ tuæ; & in illis tanquam electis tuis habitans, hæreditabis in æternum. Gloria Patri, & Filio, & Spiritui sancto. &c.

CANTICVM IV. 89.

Similes tibi fiunt Domine manducantes carnem tuam; quoniam membra corporis tui fiunt in manducatione panis tui.

Propterea dæmones odio habent sodales mensę tuę; & laqueos quàm multos parant pedibus eorum.

Sæpè etenim simul congregantur dæmones aduersus electos tuos; quoniam dignè tecum epulantur in cœna mensę tuę.

Hæreditatem regni tui possidebunt vescentes pane tuo; propterea Diabolus cum Angelis suis insurgit aduersus eos.

Te solum Deum verum, & hominem confitentur epulantes in mensa Apostolorum tuorum; te Patri coæqualem, & consubstantialem credentes prædicant vbique. Gloria Patri, &c.

CANTICVM V. 90.

Regnum tuum quàm gloriosum præparasti dignè sumentibus panem ex altari tuo Domine; domos enim illorum fecisti æterna tabernacula tua.

Corda fideliorum tuorum satis exultant in manducatione carnis tuę; interiora enim illorum quasi in fornace calefiunt in mensa tua.

Beati

Beati omnes, qui Ecclesias tuas ingrediētes,
ad mensas illarum accedunt; & tecum dignè
epulantur in illis.

Te Deum, & Dominum exercituum confi-
tentur hoc Sacramentum venerantes; humani-
tas enim tua, & diuinitas tua simul manēt in eo.

Propterea melius est semel sedere tecum in
mensa tua Domine; quàm millies in mensa do-
minorum, & regum terræ. Gloria Patri, &
Filio, &c.

H Y M N V S.

Mensam suam Christus,
Atque Angelorum

Ex amore grandi
Præparauit nobis.

In qua carnem suam
Manducandam dedit

Dura crucis morte
Emptis iam electis.

O fœlices omnes,
Qui ad illam dignè,
Sanctèque accedunt,
Nam cœlestes fiunt.

Vna est laus,
Atque trina Deo,
Qui solus est rector
Orbis utriusque. Amen.

Ÿ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

Concede nos famulos tuos, quęsumus Domine Deus, ita carnem tuam dignè manducare, & sanguinem tuum bibere, vt omnis rerum temporalium & fames, & sitis in nobis penitus extinguatur. Qui vivis, & regnas Deus in sæcula sæculorum. Amen.

CANTICVM I. 91.

AB æterno Domine benedixisti manducantes carnem tuam; quoniam ab æterno elegisti eos in filios tuos.

Peccant aliquādo sodales mensæ tuę Domine, tu verò mox ad pœnitentiam vocas eos.

Non enim in æternum irasceris electis tuis manducantibus carnem tuam; quoniam nomina eorum scripta sunt in libro vitę.

Vocem tuam audiunt, dum loqueris ad vescentes in sacra mensa tua; quoniam tanquam oues tuę facilè audiunt te Pastorem, & ducem suum.

In tempore opportuno iustificas epulantes in mensa tua; & in viam salutis dirigis gressus eorum. Gloria Patri, & Filio, & Spiritui sancto, &c.

CANTICVM II. 92.

A Vres deitatis tuæ aperis omnibus dignè epulantibus in cœna tua; ideo exultantes accedunt ad eam.

Animas eorum custodis, & salvas facis illas; quoniam credentes, & trementes manducant panem altaris tui.

Quàm suavis, & benignus, & misericors es omnibus vescentibus carne tua; quoniam te Deum, & hominem confitentur vnanimè.

Tu Domine clemens, & pius respicis dignè comedentes panem tuum; & tanquam filios Ecclesiæ tuæ protegis eos.

Signum electionis æternæ est assidua, & digna māducatio carnis tuæ; etenim pignus æternæ gloriæ datur epulantibus in mensa tua. Gloria Patri, & c.

CANTICVM III. 93.

Sicut pupillam oculi sui diligit Deus dignè manducantes carnem filij sui; & in cœlis posuit mansiones eorum.

Sedes gloriosas, & æternas præparauit in regno suo cunctis electis suis; qui sanctè sedent in cœna filij sui.

Memor est Dominus humiliter sedentium in

mensa Christi sui; ideo super astra cœli exaltabit eos.

Tanquam firmam petram stabilivit Dominus fidem epulantium in mensa Unigeniti sui; propterea dæmones nunquam præualuerunt aduersus eos.

In terra uiuentium habitabunt sodales mensæ Christi; & copiosa erit apud Deum merces eorum. Gloria Patri, &c.

CANTICVM IV. 94.

Misericordiam Dei quàm magnam cantabunt in æternum omnes electi; quoniam digni habiti sunt sedere in mensa eius.

A generatione in generatione annunciabunt virtutem carnis Christi; omnes qui tanquam Apostoli sedent in conuiuio eius.

Dominus autem in cœlo statuit mercedem suam dignè uescentibus carne sua; & inter principes regni sui collocabit eos.

Inter Angelos mansiones eorum ædificauit Dominus; ut beati uiuant cum illis in æternum.

Gloriam, & beatitudinem dignè manducantium carnem filij Altissimi quis enarrabit? etenim regnum cœlorum possidebunt in sæculum sæculi. Gloria Patri, & Filio, & Spiritui sancto. &c.

CANTICVM V. 95.

Refugium factus es Domine fidelibus tuis
in tribulationibus suis ; quoniam dignè
accedunt ad mensam conuiuij tui.

Dies æternitatis tuæ videbunt edentes panē
sanctum tuum ; propterea tecum in æternum
viuent gloriosi in regno tuo.

Dies breues viuere desiderāt, qui reficiuntur
in mensa tua ; non enim viuere , sed mori se pu-
tant, viuentes in terra .

Labor, & dolor quàm magnus est vita homi-
nis ex vtero vsque ad obitum ; edentes autem
carnem tuam beati viuent in perpetuum .

Propterea exultantes expectant transitum
suum ; tunc enim tecum vitam æternam possi-
debunt. Gloria Patri, &c.

HYMNVS.

H*Vius mensæ dulcis panis*
Mentes nostras reficit,

Contra hostes fortes facit,

Illos nobis subijcit,

Vnde dignè manducantes

Valde timent demones.

Viam nobis rectam monstrat

Ascendendi aethera,

Anfert

*Aufert quoque, quamuis graues,
Culpas, donans gratiam,
Omnem sepè tollit pœnam
Pro peccatis debitam.*

Patri, Nato, Procedenti

*Ab utroque gloria,
Esto laudis sempiterna,
Honor, benedictio,
Qui trinus, ac vnus viuit*

Per immensa sæcula. Amen.

℣. Panem de cœlo præstitisti nobis. Alleluia.

℞. Omne delectamentū in se habentē. Alleluia.
Oremus.

PRæsta, quæsumus, omnipotens Deus, vt sicut nos fideles tuos carnem tuam manducare, & sanguinem tuum bibere præcipis, ita sanctè, & dignè manducemus, & bibamus, vt eius virtute refecti, & muniti, quicquid tuæ Maiestati placitum est, rectè semper exequamur. Qui viuis, & regnas Deus in sæcula sæculorum. Amen.

CANTICVM I. 96.

IN protectione Dei Altissimi sunt epulantes in mensa Christi; propterea nec Diabolum, nec Angelos eius timere possunt aliquando.

Scuto gratiæ cœlestis circumdat Dominus dignè vescentes pane mensæ suæ; propterea
nec

nec die, nec nocte, nec vnquam malum appropinquat tabernaculis eorum.

Ab vtero matrum suarum constituit Dominus Angelos manducantibus carnem filij sui; ne vnquam transgrediantur legem suam.

Carnē Christi dignè manducantes, nunquam derelinquit Dominus tempore tribulationis; quoniam cum illis manens manebit vsque ad mortem.

Beati viuunt carne Christi deuotè resecti; hoc enim promisit ipse epulantibus in mensa sua. Gloria Patri, &c.

CANTICVM II. 97.

Quam bonum est fidelibus carnem Christi manducare, & sanguinem eius bibere; quoniam in ipsos benignè respicit Altissimus.

Misericordiam Dei quàm magnam annunciant dignè sedentes in mensa eius; quoniam veniam peccatorum inueniunt in ea.

Insipientes, & peccatores virtutem panis Christi non nouerunt; propterea irridètes contemnunt epulantes in mensa eius.

Exultant, & lætantur electi Dei in manducatione carnis Christi; quoniam mensa eius, mensa voluptatis est, & vbertatis magnæ.

Sicut palma florescunt, & sicut cedrus multi-

tipli-

tiplicantur in domo Dei, epulantes cum Christo; in cœlo autem glorificantur in æternum. Gloria Patri, &c.

CANTICVM III. 98.

GLoria indutus habitat Dominus cum dignè epulantibus in mensa sua; vt glorificet eos in regno suo.

Sedes æternæ gloriæ parauit Dominus manducantibus carnem sanctâ suam; propterea ipsi exultantes expectant fœlicem transitum suum.

Mentes suas ad cœlum eleuant manducantes in mensa Christi; & cum Angelis est semper conuersatio eorum.

Quàm multæ, & assiduæ sunt tribulationes epulantium cum Christo; veruntamen nunquã cadunt à iustitia sua.

Quoniam pane eius recreati, nunquã obliuiscuntur præcepta Dei; quinimmo fortiores fiunt in manducatione carnis eius. Gloria Patri, &c.

CANTICVM IV. 99.

AEternam retributionem dabit Dominus sodalibus mensæ suæ; cum Angelis enim suis exaltabit eos in regno suo.

Illic exultabunt vescentes carne Christi; & Deum trinum, & vnum magnificabunt in sæculum sæculi.

Viam

Viam salutis æternæ ostendit Dominus venerantibus corpus suum sub speciebus panis, & vini; & vitam æternam promittit eis.

Epulantes in mensa sua non repellit Dominus; & tanquam cohæredes suos nunquam derelinquit eos.

Refugium enim perpetuum factus est Dominus manducantium carnem suam; & ab æterno hæreditatem suam præparauit eis. Gloria Patri, & Filio, & Spiritui sancto. &c.

CANTICVM V. 100.

EXultantes veniunt ad templum Dei Christi fideles; vt in mensa eius refecti, vitam æternam inueniant apud eum.

In psalmis, & hymnis laudes æternas cantant Altissimo; quoniam gratia, & fortitudine replentur in mensa eius.

Plorantes, & genua flectentes veniunt ad cœnam Domini fideles eius; propterea iusti fiunt manducantes in ea.

Tanquam oues suas respicit Dominus comedentes carnem suam; nec vnquam à mensa sua repellit eos.

Viam ascendendi in cœlum agnoscunt dignè epulantes in mensa Christi; propterea requiem æternam inueniunt apud eum in cœlo. Gloria Patri, &c.

C Hristi carne vescentibus
 Semper adest Altissimus,
 Ab omni illos liberans
 In cursu cacodemonum,
 Custodes illis Angelos
 A ventre matrum statuit,
 In cunctis ut custodiant
 Vijs, atque operibus
 Saluos ut illos faciant,
 Ad sedes ducant cœlicas
 Cum ipsis inter Seraphim
 Beati viuant perpetes.
 Deo reddamus gratias,
 Quas tenemur, perpetuas,
 Qui nobis suam tradidit
 Carnem, suumque sanguinem. Amen.
 V. Panem de cœlo præstitisti nobis. Alleluia.
 R. Omne delectamentū in se habentē. Alleluia.
 Oremus.

T Vum nobis, quæsumus Domine, fidelibus
 tuis de cœlo auxilium mittere digneris, ut
 tantam sanctissimo Altaris Sacramento venera-
 tionem exhibeamus, ut hereditatē à Patre nobis
 paratā securi capere valeamus. Qui cum eodem
 Deo Patre, & Spiritu sancto viuis, & regnas
 Deus per omnia sæcula sæculorum. Amen.

CANTICVM I. 101.

Canticum nouum cantant Altissimo omnes dignè epulantes in mensa eius; quoniam simplices quàm sapientes fiunt in ea.

Opera Dei mirabilia enarrant dignè manducantes panem Christi; gloriã enim, & magnificentiam eius docent filios suos.

Gloriam, & honorem offerunt Maieitati Altissimi; qui dignè accedunt ad mensam sanctam eius.

Angeli, & omnes Potestates cœlorum exultant, & lætantur videntes nos dignè sedentes in mensa Christi; propterea laudes perpetuas cantant Domino Deo nostro.

Epulantes quoque in mensa Domini exultantes diem festum agent in cœlo; & beati uiuent apud eum in æternum. Gloria Patri, &c.

CANTICVM II. 102.

Regnum Dei fiunt omnes edentes in cœna Christi; quoniam in æternum regnans regnabit in eis in regno cœlorum.

Populus Dei electus sunt manducantes carnem Christi; propterea ciues, & domesticos suos fecit eos Dominus.

Solus Deus, qui cuncta ex nihilo creauit, domina-

minatur epulantibus in mensa Domini; & tanquam fideles suos regit, & nutrit eos.

De manu dæmonis ab æterno eripuit Dominus omnes; qui deuotè accedunt ad mensam sanctam suam.

Qui carnem Christi dignè manducant, & sanguinem eius bibunt; beati uiuent in æternum, videntes essentiam eius. Gloria Patri, &c.

CANTICVM V. 103.

DUices hymnos, & psalmos cantant Deo in mensa Christi refecti; nec vnquam cessant laudare potentiam, & sapientiam eius.

Iustum, & clementem prædicant Dominum manducantes carnem eius; ideo diligentes timent eum, & timentes diligunt Maiestatem eius.

In iubilatione laudât Deum Redemptorem suum epulantes in cœna eius; quoniam panem mensæ suæ dignos fecit eos.

In psalterio, & cythara fideles collaudant Deum in mensa eius recreati; & in conspectu Angelorum glorificant eum.

In conspectu Dei Altissimi exultabunt epulantes in mensa eius; quoniam in conspectu gentium credentes tantum Sacramentum venerantur. Gloria Patri, & Filio, & Spiritui sancto. &c.

CANTICVM IV. 104.

CVm Angelis, & Archangelis, cum Cherubim, & Seraphim sedebunt in cœlo; qui nunc dignè sedent in mensa Domini.

Propterea sanctitatem quàm magnam exquirat manducatio carnis eius; & potus sanguinis eius pretiosi.

Moyse, & Aaron sacerdotes Altissimi carnem Christi non manducauerunt; sicut nunc sacerdotes, & plebs Christifidelis.

Propitius, & clemēs est Dominus ad audiendas preces sedentium in mensa sua; quoniã dulcius, quàm cythara resonat auribus eius oratio eorum.

Dominum exercituum honorificant edentes panem Ecclesiæ; sacrificium enim iustitiæ, laudis, & honoris offertur in mēsa eius. Gloria, &c.

CANTICVM V. 105.

IVbilantes, & lætantes seruiunt Deo, qui epulantur in mensa eius; conuiuium enim gaudij est, non autem luctus.

Cum exultatione ingrediuntur fideles mensam Domini; gaudio autem quàm magno egrediuntur ab ea.

Quoniã sanctiores, quàm ingressi sunt, egrediuntur

G

diuntur

diuntur à cœna Domini; promptiores quoque
fiunt ad seruiendum Deo suo.

In hymnis, & canticis collaudāt Altissimum,
panem accipientes de mensa eius; & in viam
mandatorum eius dirigunt gressus suos.

Propterea quàm suauem, & misericordem
ostendit se Dominus epulantibus in mensa sua,
& tãquã filios suos diligit eos. Gloria Patri, &c.

H Y M N V S.

Cristi mensam exultantes
Sacram nos ingredimur
Dulces hymnos, dulces psalmos
Cantantes Altissimo,
Ipsam namque quàm benignam,
Quàm clementem nouimus.
Carnem eius gloriosam
Panis accidentibus
Iam velatum, pretiosum
Gustamus & sanguinem,
Tantum vnde Sacramentum
Totum nutrit hominem.
Cibum nostrum fecit illud
Natus Dei Altissimi,
Cohæredes utque suos
Sempiternos faceret,
Angelorum inter choros
Collocaret fulgidos.

*Trino Deo, atque vni,
 Natoque ex Virgine
 Laus, honor sempiternus,
 Omnis quoque gloria
 Sit è cælo, terra, ponto,
 Ac à cunctis gentibus. Amen.*

Ps. Panem de cælo præstitisti nobis. Alleluia.

R. Omne delectamentū in se habentē. Alleluia.

Oremus.

C Oncede, quæsumus, clementissime Domine populum Christianum ita sanctè, ac deuotè tantum Sacramentum venerari, vt de futuræ glorię premio à te sibi promisso se certum facere valeat. Qui viuis, & regnas Deus in sæcula sæculorum. Amen.

CANTICVM I. 106.

D Eo Altissimo iubilent, & in lætitia seruiant ei omnes; qui epulantur in mensa eius.

Exultantes intrent in Ecclesiam Dei nostri manducantes in mensa eius; quoniam Pater, & Filius, & Spiritus sanctus adorantur in ea.

Sciat vterque orbis terrę totas tres personas Trinitatis concomitanter manere sub speciebus panis, & vini; non solū carnem, & sanguinem Christi, & animam eius.

Collaudantes ingrediuntur domum Dei Christifideles Synaxim facturi; vt dignè man-

ducent carnem eius.

Nomen Domini benedicunt gratias agentes Altissimo; quoniam dulcedinem carnis Christi sentiūt comedētes panē eius. Gloria Patri, &c.

CANTICVM II. 107.

Perpetuas laudes cantant Domino epulantes cum Christo; seipfos autem immaculatos custodiunt propter eum.

Iniquitatem non respiciunt oculi manducantium in mensa Domini; quin immò odio habent facientes iniustitiam.

Superbos, & omnes peccatores à mensa sua repellit Dominus; humilibus enim, & poenitentibus parauit illam.

Dignè epulantes in mensa sua respicit Dominus; & immaculatos custodit sacerdotes rectè distribuētes panem suum.

Humiles intrant Ecclesiam Dei Christifideles, vt manducent carnem eius; propterea lætantes manent in mensa sancta eius. Gloria Patri, &c.

CANTICVM III. 108.

Nunquam irascitur Dominus aduersus dignè manducantes carnem suam; & ab omnibus tribulationibus eorum liberat eos.

Velo-

SANCTISS. SACRAMENTI. 101

Velociter exaudit Dominus dignè epulantes in sacra mensa sua; nūquam enim aures suas claudit precibus eorum.

Solitudinem quærunt fideles post manducationem carnis Christi; vt mentes suas eleuantes cum Angelis conuerfentur in cœlis.

Domum suam præparauit Dominus electis suis; vbi deuotè manducant carnem filij sui, & sanguinem eius bibant exultantes.

Ab æterno elegit Dominus fideles suos dignè comedentes panem mensæ suæ; & in regno suo posuit perpetuas mansiones eorum. Gloria Patri, &c.

CANTICVM IV. 109.

EX toto corde nomen Domini benedicunt sedentes in mensa eius; nec vnquam obliuiscuntur laudare Maiestatem suam.

Die, ac nocte propitiatur Dominus epulantibus in sacra mensa sua; ne decepti à Diabolo cadant à iustitia sua.

De interitu mortis æternæ eripit Dominus sodales mensæ suæ; quoniam pretio sanguinis sui redemit eos.

Sicut Aquilæ renouabit Dominus iuuentutem dignè manducantium carnem suam; & velocius, quàm Aquila volantes ascendens in cœlum.

Delicijs æternis replebit Dominus vefcentes in facro conuiuio fuo; in vbertate domus fuæ fatiabit eos in fæculum fæculi. Gloria Patri, &c.

CANTICVM V. 110.

NOn in perpetuum irafcitur Dominus aduerfus manducantes panem menfæ fuæ; quoniam nomina eorum nunquam delentur de libro vitæ.

Longè erit maledictio Chrifti à dignè manducantibus carnem eius; fed benedictio eius æterna cadet fuper eos.

Quemadmodum miferetur pater filiorum fuorum; ita miferetur Dominus epulantium in fâncta menfa fuâ.

Ab æterno miferus eft Dominus dignè fedentium in menfa facræ cœnæ fuæ; quoniam ab æterno quoque elegit eos in hæreditatem fuam.

In cœlo parauit Deus fedes dignè ingredientium ad cœnam menfæ fuæ; vt cum Angelis beati viuant in æternum. Gloria Patri, & Filio, & Spiritui fâncto. Sicut erat in principio, & nunc, & fempet, & in fæcula fæculorum. Amen.

H Y M.

HYMNVS.

H *Ac in mensa sacra solùm
Epulantur Angeli,
Fidelesque Christi quoque
Sedent licet pauperes;
Illos namque ab æterno
Dignos fecit Dominus.
Impollutas seruent mentes,
Munda cordis intima,
Sermonesque sanctos cunctis
Imitandos proferant
Hanc ad cœnam accedentes
Plebs Christi catholica.*

*Christum Deum adoremus,
Atque verum hominem,
Qui felix semper viuens
Ante mundi fabricam
Hoc in pane ecce manet
Cunctis esse tribuens. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

P *Ræta, quæsumus omnipotens Deus, vt si-
cut mensam Angelorum nostram quoque
facere voluisti, ita nos dignè in illa epulari, vt cū
ipsis in cœlesti sedere, manducare, & bibere me-
reamur in æternum. Qui viuis, & regnas &c.*

CANTICVM I. III.

Tibi Domine confitemur, & nomen sanctū tuum inuocamus in manducatione carnis tuæ; & coram omnibus gentibus annunciamus hoc opus redemptionis nostræ.

Lætantes laudamus te pane mensæ tuæ repleti; & psalmos cantamus nomini sancto tuo.

Te Deum nostrum inuenire speramus, dum epulamur in mensa tua; quoniam in illa manet diuinitas, & gloriosa humanitas tua.

Passionis tuæ recordamur Domine edentes carnem tuam; & bibentes pretiosum sanguinem tuum.

Electos tuos ab æterno futuros præuidisti dignè manducantes panem cœnæ tuæ; propterea ut pupillam oculorum tuorū custodis eos semper. Gloria Patri, &c.

CANTICVM II. III.

DIscedant à nobis Diabolus, & Angeli eius; quoniam sodales fideles sumus mensæ tuæ.

Firmamentum Ecclesiæ tuæ fecisti Domine panem Altaris tui; propterea epulantes in mensa tua non timemus, quid faciant nobis dæmones.

De cœlo ad terram misit te Deus Altissimus;

vt

vt panis noster fieres ad refocillandas animas nostras.

Panem in carnem tuam, & vinum in sanguinem tuum conuertisti Domine in nouissima cœna tua; vt nobiscum maneres vsque ad nouissimum diem sæculi.

Pane cœli saturamur in mensa tua Domine; vt victores fiamus in cunctis certaminibus nostris. Gloria Patri, &c.

CANTICVM III. 113.

Quis vnquã enarrabit delectationes quàm maximas dignè manducantium carnem tuam Domine? immensæ etenim sunt, & ineffabiles.

Beati namque viuent inter Angelos in regno tuo; teque ad dexteram Patris sedentem in æternum videbunt exultantes.

Delicijs cœlestibus replentur mentes epulantium in mensa tua Domine; propterea nihil appetunt, nisi te ipsum viuentes in terra.

Saluos facis Domine fideles tuos gustantes cibum dulcissimi conuiuij tui; quoniam dignè accedunt ad mensam tuam.

Nomen Altissimæ Maiestatis tuæ collaudamus Domine; quoniam sacram cœnam tuam parasti nobis fidelibus tuis. Gloria Patri, & Filio, & Spiritui sancto. &c.

CANTICVM IV. 114.

Carnem tuam Domine manducantes colaudamus nomen tuum; quoniam pretio sanguinis tui redempti sumus.

Ad mensam tuam currimus Domine in tribulationibus nostris; quoniam epulantes in ea in protectione tua manent in æternum.

Delicias mundi contemnimus gustantes panem mensæ tuæ; delicias autem cœli ex toto corde exquirimus semper.

Tu verò Domine benedictionem tuam descendere facis super epulantes in mensa tua; quoniam vt pupillam oculi tui ab æterno dilexisti eos.

Propterea ascendentes in cœlum tecum sedebunt in mensa deliciarum tuarum; & cum Angelis beati glorificabunt te in sæculum sæculi. Gloria Patri, &c.

CANTICVM V. 115.

Epulantes in mensa tua Domine semper parati sunt ad laudandum sanctum nomen tuum; quoniam gratia tua nunquam vacua fuit in eis.

Ante Solis ortum surgunt de lectulis suis fideles tui; ad manducandam carnem tuam
pro;

probant conscientias suas.

Super cœlos exaltaris Domine ab electis tuis; quoniam manducantes carnem tuam te verum Deum, & hominem confitentur.

Sed tu Domine in paradifum deducis dignè epulantes in mensa tua; & cum Angelis ponis sedes eorum.

In fortitudine cibi sacri conuiuij tui victoriam reportant ab inimicis suis electi tui; & cum triumpho ingrediuntur regnum tuum. Gloria Patri, &c.

H Y M N V S.

S *Væ mensæ Christus panem
Verè cibum tradidit
Manducandum verus Deus,
Verus homo etiam
Consubstantialis Patri,
Beataque Virgini.*

*Hunc eundem panem dabit
Christus in perpetuum
Cibum nobis in cœlesti
Mensa manducantibus,
Cumque sanctis Angelorum
Choris exultantibus.*

*Celsæ Patris Maiestati,
Coequalis Filij,
Ex utroque Procedentis*

Sic

Sit æterna gloria,

Qui cælorum extat vnus,

Atque trinus Dominus. Amen.

Ÿ. Panem de cœlo præstitisti nobis. Alleluia.

R. Omne delectamentū in se habentē. Alleluia.

Oremus.

OMnipotens æterne Deus, qui sic dilexisti electos tuos, vt ipsis vnigeniti tui Redemptoris nostri carnem ad manducandum, eiusque sanguinem ad bibendum dares; fac ita nos dignè in sacra eius mensa epulari, vt cum Angelis in cœlesti mensa in æternum satiari mereamur. Per eundem Christum Dominum nostrum. Amen.

CANTICVM I. 116.

Domine secundum misericordiam tuam fac nobiscum manducantibus carnem tuam; quoniam te filium Dei, & hominis confitemur in manducatione illius.

Protege nos epulantes in cœna tua Domine; & de manu dæmonis eripe nos sodales mensæ tuæ.

Videant nos sedentes in mensa tua dæmones, & contremiscant; nec audeant tentare nos carne tua refectos.

In protectione tua viuamus Domine pane tuo vescentes; tunc enim non timebimus Diabolum, nec Angelos eius.

Manum

SANCTISS. SACRAMENTI. 109

Manum tuam extende ad liberandum nos cibum mensę tuę gustantes; & in fortitudine eius duc nos ad regnum cœlorum. Gloria Patri, &c.

CANTICVM II. 117.

AD dexteram tuam manebunt in iudicio dignè epulantes in sacra mensa tua Domine; & eternam benedictionem accipient de ore sancto tuo.

Reges, & principes quàm magnos constitues sodales mensę tuę; in regno enim tuo tecum regnabunt in æternum.

Inter Angelos principes regni tui præparasti sedes dignè sedētium in mensa tua; quoniam ab æterno electos in tempore vocasti, & iustificasti eos.

Iurasti Domine, nec te pœnituit electos tuos fecisse manducantes carnem tuam; Deus enim immutabilis es, & semper eadem permanet voluntas tua.

Propterea in domo tua magnificabis eos; & cum Angelis super omnes cœlos exaltabis eos. Gloria Patri, &c.

CANTICVM III. 118.

Memoriā passionis tuę recolimus manducantes carnem tuam; & ex toto corde
col-

collaudamus te Redemptorem nostrum.

Escam mensæ cœlestis dedisti nobis fidelibus tuis Domine; vt in virtute eius fortificati, viriliter seruiamus Maiestatī tuæ.

Æternam hæreditatem tuam præparasti dignè accedentibus ad sacrum conuiuium tuum; propterea vitam æternam promittis dignè epulantibus in eo.

Pretio sanguinis tui redemisti vescentes pane tuo; & saluos facis eos in virtute carnis tuæ.

Signum prædestinationis æternæ præclarum est digna manducatio carnis tuæ; talis enim manducatio iustificat, & beatificat electos tuos. Gloria Patri, &c.

CANTICVM IV. 119.

BEati omnes, qui cum timore accedunt ad mensam tuam Domine; & illic recreati custodiunt mandata tua.

Gloriam, & diuitias domus tuæ habebunt epulantes tecum in cœna tua; quoniam tāquam dignos sodales tuos beatos facies eos.

In æterna memoria tua erunt dignè comedentes panem tuum; quoniam ab æterno in libro vitæ scripsisti eos.

Certam fecisti expectationem salutis epulantium dignè in cœna tua; auditionem maledictionis

nis tuæ non timebunt in iudicio.

Reprobi autem audientes benedictionem dignè manducantium panem mensæ tuæ, cruciabuntur; & tabescentes pœnas æternas sustinebunt in inferno. Gloria Patri, & Filio, & Spiritui sancto. &c.

CANTICVM V. 120.

TAnquam pueri humiles fiunt comedentes in mensa tua Domine; & exultantes collaudant sanctum nomen tuum.

Dulcis resonat laudatio nominis tui in ore epulantium in mensa tua; nec vnquam cessant laudare illud post manducationem carnis tuæ.

De puluere, & stercore erigis dignè sedentes tecum in cœna tua; & inter beatos ponis fortes eorum.

Tu Domine in cœlis habitans propitius respicis vescentes pane tuo; & tanquam dignos sodales tuos diligis eos.

In domo tua exultabunt edentes panem Ecclesiæ dilectæ sponsæ tuæ; teque cum Patre, & Spiritu sancto collaudabunt in æternum. Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum. Amen.

HYMNVS.

Torquentur ecce dæmones,
 Dum mensæ tuæ epulas
 Nos cernunt sacras edere,
 Non minus, quàm in baratro.

Hinc multa parant retia
 Illaqueandi studio
 Nostras purgatas animas,
 Dum Christi carnem edimus.

Dum mensam hanc ingredimur,
 Paneque eius vescimur,
 Omnes exultant Angeli,
 Nosque semper custodiunt.

Nostro aeterna gloria
 Trino Deo, atque vno,
 Nos qui fecit ex nihilo,
 Suumque dedit filium. Amen.

℣. Panem de cælo præstitisti nobis. Alleluia.

℞. Omne delectamentū in se habentē. Alleluia.

Oremus.

Deus, qui, vt fideles tuos assiduè ab hostibus
 inuasos fortes redderes, carnem tuā illis
 manducandā dedisti; concede propitius, ita nos
 dignè illā manducare, vt in omnibus certami-
 nibus nostris victoriam ab illis semper reporta-
 re mereamur. Qui viuis, & regnas Deus in sæcu-
 la sæculorum. Amen.

CAN-

CANTICVM I. 121.

IN manducatione carnis tuæ Domine sancti fiunt fideles tui; & fortes aduersus Diabolum, & Angelos eius.

Corda manducantium carnem tuam percutiens; lacrymas quasi torrentes emanare facis ex oculis eorum.

Aures epulantium in sacra mensa tua attentas facis ad audiendum verbum tuum; & tanquam ignitum accendit mentes eorum.

Ora vescentium pane tuo aperis Domine; vt nomen sanctum tuum collaudent in æternum.

Terram viuentium præparasti dignè sedentibus in sacra cœna tua; vt tecum beati uiuant in sæculum sæculi. Gloria Patri, &c.

CANTICVM II. 122.

TAnquam pupillam oculorum tuorum diligis epulantes in conuiuio mensæ tuæ; propterea preces eorum semper exaudis.

Fortitudine, & gratia repleas manducantes panem tuum; & in tribulationibus eorum confortas eos.

In misericordia quàm magna saluas facis animas eorum; & diuinitatis tuæ participes facis

H eos

eos in cœlo, & in terra.

Tanquam paruulos modò genitos nutris comedentes panem tuum; lacte etenim cœlesti cibos illos in ea.

In viam salutis dirigis pedes edētium panem tuum; vt iusti appareant in conspectu tuo, Angelorum, & hominum. Gloria Patri, &c.

CANTICVM III. 123.

Firmiter credimus Domine te totum, & integrum manere in pane mensæ tuæ; ideo securi, & exultantes ad illam accedimus.

Propterea facie ad faciem videbimus te ad dexteram Dei sedentem in throno gloriæ tuæ; & cum Angelis tuis collaudabimus immensam Maiestatem tuam.

Nunc autem carnem tuam manducamus, & sanguinem tuum bibimus; vt tecum illum bibamus in regno tuo.

Pretiosa erit in conspectu tuo mors epulantium in conuiuio mensæ tuæ; & cum Angelis introibunt paradysum voluptatis æternæ.

Vincula peccatorum dignè manducantium carnem tuam dirupisti Domine; quoniam tanquam electi scripti sunt in libro viuentium, Gloria Patri, &c.

CANTICVM IV. 124.

P Anem de mensa tua sumentes te Deum nostrum, & Redemptorem confitemur; & apud omnes gentes collaudantes prædicamus te.

Misericordiam tuam quàm magnam confirmasti super nos epulantes in mensa tua; & in virtute eius iustificasti nos fideles seruos tuos.

Te misericordem, & benignum collaudamus in manducatione carnis tuæ; quoniam pacem, & quietem inuenimus in ea.

Dum tribulamur ad mensam tuam lætantes accedimus; propterea consolati reuertimur ad domos nostras.

In te solo Deo, & homine confidentes panem altaris tui manducamus; & pretiosum sanguinem tuum bibimus in lætitia, & exultatione. Gloria Patri, &c.

CANTICVM V. 125.

V Ox lætitiæ, & exultationis in ore epulantium in conuiuio mensæ tuæ; voluntas autem eorum ad faciendam legem tuam.

Tu autem Domine in cœlo, & in terra exaltas dignè sumentes panem de mensa tua; nec vnquam discedis ab illis cunctis diebus suis.

Portas paradisi aperis dignè vescentibus pane tuo; & diademata regni tui ponis super capita eorum.

Lapides reprobatì æstimantur sæpè manducantes carnem tuam; tu autem tanquam lapides expolitos in cœlestibus ædificijs coaptas eos.

Etenim epulantes in mensa tua regnum cœlorum possidebunt in æternum; quoniam tanquam reges inter Angelos collocabis eos in domo tua. Gloria Patri, &c.

H Y M N V S.

H *Vius sacræ mensæ panis
Sanctus sanctos efficit
Ipsam dignè manducantes,
Angelorum socios,
Sempiternæ deitatis
Christi iam participes.
Ad hunc mundi currant panem
Reges, duces, principes,
Dives, pauper, liber, servus,
Fidus Dei populus,
Cunctis illum præparavit
Christus dignè edentibus.
Iste cœli portas pandit,
Placat mundi Iudicem,
Cunctorumque peccatorum
Præstat nobis veniam,*

Iustos

Iustos facit sceleratos

Sua flentes crimina.

Patrem semper generantem,

Natum semper genitum,

Ab utroque semper ductum

Adoremus Spiritum,

Sempiternas illis laudes

Persoluamus debitas. Amen.

ψ. Panem de cœlo præstitisti nobis. Alleluia.

R. Omne delectamentū in se habentē. Alleluia.

Oremus.

DEus, qui sacræ mensæ tuæ panem cunctis fidelibus tuis manducandum dedisti; fac nos ita mundos, & sanctos illum manducare, ut tecum in cœlesti mensa sedere mereamur in perpetuum. Qui viuis, & regnas Deus in sæcula sæculorum. Amen.

CANTICVM I. 126.

EPulantes in mensa tua iustificas Domine, & gratos reddis Maiestati tuæ; ut digni accedant semper ad cœnam tuam.

Volūtatem tuam manifestam facis comedentibus panem tuum; & auxilium tuum de cœlis mittis eis ad faciendam illam.

Ex toto corde desiderant obedire mandatis tuis manducantes carnem tuam; propterea tu Dominus propitius respicis eos.

H 3 In

In tribulationibus suis valde exultant manducantes in sacra cœna tua; propterea tu Dominus fortes facis eos in illis.

Benedictionem tuam de cœlo effundis super epulantes in conuiuio mensę tuę; & in dies sanctificas eos tanquam electos tuos. Gloria Patri, & Filio, &c.

CANTICVM II. 127.

BEati omnes, qui se immaculatos custodiunt in manducatione carnis tuę Domine; quoniam securi intrabunt in regnum tuum.

Ex toto corde quærunt placere Altissimę Maiestatı tuę epulantes in mensa tua; propterea tu non repellis eos à facie tua.

In cordibus suis scriptam habent legē tuam vescentes pane tuo; nec vnquam faciunt contra voluntatem tuam.

In obseruandis præceptis tuis magis quàm in thesauris multis delectantur; qui panem mensę tuę manducant.

Sermones tuos nõ obliuiscuntur, qui panem sumunt de mensa tua; quoniam obseruantes præcepta tua dignè accedunt ad cœnam tuam.

Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum. Amen.

CANTICVM III. 128.

Viam mandatorum, & consiliorum tuorum doces epulantes in conuiuio tuo; quoniam ad faciendam voluntatem tuam elegisti eos.

Intellectum, & iudicium rectum das omnibus dignè manducantibus panem tuum; ne quādo declinent à mandatis tuis.

Ad facienda præcepta tua inclinas corda epulantium in sacra cœna tua; & ab omni vanitate auertis oculos eorum.

In timore tuo ambulare facis vescentes pane tuo; ne vnquam indignè accedant ad sanctum altare tuum.

Misericordiam tuam quàm magnam ostendis sodalibus mensæ tuæ; & in æquitate tua iustificas eos. Gloria Patri, &c.

CANTICVM IV. 129.

Luciferum, & Angelos eius non timent, qui dignè edunt panem tuum; quoniam in te Domine ponunt omnimodam spem suam.

Auxilium tuum non aufers à manducantibus cibum mensæ tuæ; quoniam tanquam cohæredes tuos diligis eos.

Lætantes ambulant, qui gustant dulcedinem

panis tui; ideo exultantes custodiunt legem tuam.

In conspectu regum, & populorum prædicant virtutem panis tui; nec timent minas eorum, qui manducant illam.

Manus suas ad te eleuant sedentes in mensa tua; vt fortes facias eos in tribulationibus suis. Gloria Patri, &c.

CANTICVM V. 130.

Memor es Domine dignè epulantium in mensa tua; quoniam ab æterno elegisti eos in hæreditatem tuam.

In cœlo posuisti portionem manducantium in conuiuio tuo; quoniam pignus vitæ æternæ est manducatio carnis tuæ.

Ab æterno misericordiam fecisti cum epulantibus in sacra cœna tua; & propitius respiciens respicis eos.

Propter bonitatem, & clementiam tuam dignos fecisti sedentes in mensa tua; propterea immaculatos custodis eos inter peccatores viuentes.

Prudentes, & simplices fecisti sodales mensæ tuæ; vt tanquam serpentes, & columbæ viuant apud gentes. Gloria Patri, & Filio, & Spiritui sancto. &c.

HYMNVS.

Suum Altissimus mittit auxilium
 Hunc panem cœlicum dignè sumentibus
 A cunctis hostium periculis eripit,
 Nunquam illos destituens.

Quinimò diligit eos ut filios;
 Suam nam faciunt legem sanctissimam
 Nullius appetunt viri diuitias,
 Sed læti viuunt pauperes.

Sæcli delicias quàm multas respuunt
 Christi pauperiem sequentes cœlicam,
 Mentisque subleuant ad cœlum supplices
 Fruentes Dei gratia.

Quæ Christus præmia dabit fidelibus
 Suum edentibus dignè conuiuium
 Scribæ velociter scribentis calamus
 Nullus potest exprimere.

Cœlorum Domino, & exercituum
 Sit iubilatio, ac benediçtio,
 Simul & vnica, trinaque gloria
 Per cuncta semper sæcula. Amen.

ψ. Panem de cœlo præstitisti nobis. Alleluia.
 R. Omne delectamentū in se habentē. Alleluia.

Oremus.

DEus, qui sacratissimam carnem tuam no-
 bis sub panis accidentibus manducan-
 dam reliquisti; concede propitius ita nos dignè
 illam

illam in via manducare, vt eandem reuelata facie gloriosam videre mereamur in cœlo. Qui viuus, & regnas Deus in sæcula sæculorum. Amen.

CANTICVM I. 131.

Iustificaciones tuas non obliuiscuntur dignè comedentes panem sanctum tuum; etenim die, ac nocte voluntas eorum manet in obseruandis præceptis tuis.

In æternum Domine beatificabis epulantes in mensa tua; quoniam ante omnia sæcula elegisti eos.

Inter Angelos computantur omnes dignè comedentes panem tuum; & cum illis sedebunt in cœlesti mensa tua.

Mercedem copiosam expectât de manu tua; qui dignè manducant, & bibunt in sacra mensa tua.

Diuitias, & gemmas pretiosas, vt stercora reputant sodales mensæ tuæ; quoniam tanquam fumus, & vapor euanescent in conspectu tuo. Gloria Patri, &c.

CANTICVM II. 132.

Prudentiores, quàm senes, & mundi sapientes facis dignè manducantes panem tuum

Do-

Domine; quoniam tu es magister eorum.

Propterea ad faciendam disciplinam doctrinæ tuæ dirigunt mentes suas; sapientiam autem mundi tanquam vanam contemnunt.

Dulciora, quàm mel, & fauus sunt præcepta tua manducantibus carnem tuam; ideo ab omni malo prohibent corda sua.

Lucerna inextinguibilis est verbum tuum, epulantibus in cœna tua; in viam enim salutis æternæ deducit eos.

Propterea dæmones in vanum abscondunt laqueos suos aduersus comedentes panem mensæ tuæ; quinimmò confusi, & dolentes fugiunt faciem eorum. Gloria Patri, & Filio, & Spiritui sancto. &c.

G A N T I C U M III. 133.

Confilium, & congregationem impiorum aufugiunt sedentes in mensa tua Domine; veruntamen pro salute eorum exorant Maiestatem tuam.

Scelera enim peccatorum odio habent, qui manducant carnem tuam, non autem naturam; quoniam tu creasti eos, & redemisti eos.

Tanquam fideles seruos tuos custodis dignè epulantes in mensa tua; nec capillum cadere facis de capite eorum.

Tempore enim tentationis de cœlo respicis super

super manducantes carnem tuam; ne vnquam faciant contra legem tuam.

In viam salutis dirigis pedes manducantium, & bibentium in sacro conuiuio tuo; vt Angelorum societate dignos facias eos. Gloria Patri, & Filio, & Spiritui sancto. &c.

CANTICVM IV. 134.

Mirabilis es Domine cum epulantibus in mensa tua: opera enim mirabilia facis per manus eorum.

Ad vitam namque mortuos reuocant in virtute carnis tuæ; cœcos illuminant, & dæmones effugant.

Spiritus sanctus à Patre, & à te procedens de cœlo descendit super comedentes escam mensæ tuæ; ad consolandum eos cum Patre mittis illum semper.

Secundum mandatum tuum dirigis gressus sodalium tuorum; ideo nunquam offendunt te, neque proximum suum.

Diuinitatis tuæ radijs illuminas mentes comedentium cibum mensæ tuæ; & quæ necessaria sunt ad salutem doces eos semper. Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum. Amen.

CANTICVM V. 135.

Iustos facis Domine dignè accedentes ad mensam tuam; & gratos facis eos in conspectu Altissimi.

Tabescit Diabolus cum Angelis suis videns fideles tuos in mensa tua; quoniam coronas eorum accipient in regno tuo.

Propè es tu Domine vescentibus pane mensæ tuæ; quoniam in iustitia tua ambulant in conspectu tuo.

Hymnos, & psalmos cantant nomini tuo accedentes ad cœnam tuam; & virtutem panis tui enarrant exultantes.

Digna manducatio carnis tuæ adiuuabit electos tuos viuētes, & in hora mortis, vt triūphantes ascendant in regnū tuum. Gloria Patri, &c.

HYMNVS.

Sacræ mensæ Christi cibus
 Iustos facit impios,
 Cœli portas clausas pandit
 Cunctis peccatoribus,
 Afflictosque consolatur,
 Ac depressos subleuat.
 Nullos vnquam dereliquit
 Natus Dei Altissimi

Carnem

*Carnem suam manducantes
 Dignè tamen homines,
 Suum magis sed diuinum
 Misit his auxilium.
 Omne decus, omnis honor,
 Laus sit, & gloria
 Patri soli generanti,
 Eius Unigenito,
 Ab utroque Procedenti
 Sit per cunèta sæcula. Amen.*

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.
 Oremus.

DEus, qui carnem tuam dignè manducantes, in via iustificas, in patria verò beatificas; concede propitius, ita nos fideles tuos illam sanctè tractare, vt & iustificari in terris, & in æternum beatificari mereamur in cœlis. Qui viuis, & regnas in sæcula sæculorum. Amen.

CANTICVM I. 136.

Dissolui cupiunt manducantes carnem tuam Domine; vt tecum sedeant in mensa cœlorum.

Oculos suos in cœlum eleuant epulantes in conuiuio mensę tuæ; illinc enim auxilium tuum expectant in tribulationibus suis.

Læ-

Lætantur, & exultant manducantes panem tuum dum transitum suum agnoscunt; quoniam delicias domus tuæ exoptant valde.

Torrentem tribulationum gaudentes sustinent dignè sumentes panem ex altari tuo; hæc est enim via ascendendi regnum cœlorum.

In te Domine confidunt sodales mensæ tuæ; propterea dæmones manus suas nō extendunt super eos. Gloria Patri, &c.

CANTICVM II. 137.

G Audio quàm magno replentur corda manducantium carnem tuam; linguæ autem eorum incessanter collaudant diuinam Maiestatem tuam.

Nomen sanctum tuum magnificent, & benedicunt illud epulantes in sacra mensa tua; tu verò Domine iustificando consolaris eos.

In gaudium conuertis Domine luctū vescentium pane tuo; ideo gaudētes introibunt ianuas regni tui.

Omnem lacrymam absterges ab oculis comedentium panem mensæ tuæ; quoniam neque dolor, neque luctus erit in domo tua.

In gaudio, & exultatione erit transitus epulantium in conuiuio mensæ tuæ; merita enim quàm multa secum portabūt intrantes regnum cœlorum. Gloria Patri, &c.

CANTICVM III. 138.

CVm dederis somnum manducantibus carnem tuam Domine; tunc cohæredes regni tui constitues eos.

Sic munerantur dignè epulantes in mensa tua; etenim æternas diuitias domus tuæ dabis eis.

Manducantes panem mensæ tuæ vindicabis de inimicis suis; quoniam sæpè iniuste persecuti sunt eos.

Propitiatio quàm magna es tu Domine vescentibus pane tuo; ab vtero enim matrum suarum vsque ad mortem custodis eos.

Copiosam misericordiam, & mercedem inueniunt apud te sedentes in mensa tua; quoniam pretio sanguinis tui redemisti eos. Gloria Patri, &c.

CANTICVM IV. 139.

OCulis suis, & palpebris suis somnum non dant epulantes in cœna sacra tua; quoad usque debitum seruitutis suæ soluerint Maiestati tuæ.

Propterea valde mane templum tuum ingrediuntur; post autem pœnitentiam deuotè accedunt ad mensam tuam.

Re-

Regnum tuum te daturum promifisti dignè ve-
fcentibus pane cœnæ tuæ; nec vllos frustratus
es aliquando.

In æternam habitationem tuam elegifti di-
gne fedentes in facra cœna tua; propterea cum
ipfis habitans habitabis in æternum.

Vfque ad thronum gloriæ tuæ exaltabis fo-
dales menfæ tuæ; vt videntes effentiam tuam
tecum beati viuant in fæculum fæculi. Gloria
Patri, &c.

CANTICVM V. 140.

QVàm bonum, & quàm iucundum eft fede-
re tecum in cœna tua Domine; fimiles
enim fiunt tibi in ea electi tui.

Propterea tanquam fideles ferui tui benedi-
cunt fancto nomini tuo; & affiduè manent in
domo tua ad laudandum nomen Maieftatis
tuæ.

Ad te manus tuas extollunt epulantes in fa-
cra cœna tua; propterea victores fiunt in om-
nibus certaminibus fuis.

Sed tu Domine de excelfo throno Maiefta-
tis tuæ benedicis manducantibus carnem tuam;
nec vnquam auertis ab illis oculos tuos.

Comedentes carnem tuam benignè respicis
femper; vt faluas facias animas eorum confpicias
eos. Gloria Patri, &c.

HYMNVS.

Grandis exercitus manet Angelicus
 Cum māducantibus panem Dominicum,
 Dulcesque concinunt hymnos, & cantica
 Christo cœlorum Principi.

Inuitant Cherubin, vocant & Seraphim,
 Quò simul tribuant cultum iam latruium
 Quam magnum corpori Christi sanctissimo,
 Eiusque sacro sanguini.

Patris, & Filij, sanctique Spiritus
 Communem recolant illic essentiam
 Solam, & unicam, laudesque debitas
 Deo soluant & perpetuas.

Nos quoque gloriam cantemus Domino
 Aeternam gaudio repleti maximo,
 Qui nobis tribuit carnem, & sanguinem
 Gustandum vt fidelibus. Amen.

Ÿ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

DEus, cuius carnem, & sanguinem omnes
 Angeli, omnesque cœlorum ciues suppli-
 ces, & lætantes adorant, & colunt; fac nos, que-
 sumus, ita quoque illam, illumque adorare, &
 colere in terris, vt cum ipsis te videre, te vt,
 teque frui mereamur in cœlis. Qui viuis, & re-
 gnas in sæcula sæculorum. Amen.

CAN-

CANTICVM I. 141.

TAnquam boni, & fideles serui tui collaudant te, qui edunt panem tuum; & gloriam cantant nomini sancto tuo.

Te solum verum Deum agnoscunt, qui vescuntur pane tuo; propterea te solum adorant, & in adiutorium suum inuocant nomen tuum.

In ore epulantium in mensa tua longè resonat laudatio nominis tui; quoniam quam magnam agnoscunt virtutem panis tui.

Quæcunque præcipis Domine faciunt, qui manducant in mensa tua; propterea tu quoque facis voluntatem eorum.

Perpetuas laudes decantant Altissimæ Maiestati tuæ dignè manducantes carnem tuam; quoniam quàm bonum, & quàm benignum agnoscunt te in manducatione carnis tuæ.

Gloria Patri, &c.

CANTICVM II. 142.

EX toto corde magnificent nomen tuum vescentes pane tuo; tu verò Domine benignè audis laudes eorum.

Cum Angelis tuis glorificant te sedentes in mensa sancta tua: & tanquam verum Deum, & hominem adorant te.

Gratiam super gratiam multiplicas super dignè comedentes panem tuum; & in quacunque hora exorant te, exaudis eos.

Gloriam quàm magnam tribuunt Maieſtati tuæ dignè ſumentes panem de menſa tua; quoniam te filium Dei, & hominis confitentur in manducatione carnis tuæ.

Propterea æternam retributionem præparaſti eis in cœlis; & beati collaudabunt te cum omnibus electis tuis. Gloria Patri, &c.

CANTICVM III. 143.

ANte omnia ſæcula elegiſti dignè epulantes in ſacra cœna tua; & tanquam aurum in fornace probas illos antequam accedant ad illam.

Vias eorum præuidiſti Domine, & rectas cognouiſti eas; propterea immaculati ambulant coram te, & Angelis tuis.

Dexteram tuam extendis ſuper ſedentes in menſa tua; & auxilium tuum nunquam longè facis ab eis.

Die, ac nocte confortas eos, qui panem ſumunt ex altari tuo; vt iuſti viuant in conſpectu tuo ſemper.

Tu ſapientia Patris Altiffimi doces omnes, qui manducant carnem tuã; vt nunquam transgrediantur præcepta legis tuæ. Gloria, &c.

CAN-

CANTICVM IV. 144.

CVm vescentibus pane tuo semper ambulas Domine; nec vnquam solos relinquis eos. Quocunque pergunt manducantes carnem tuam; tu illuc tutos deducis illos.

Lumen tuum ostendis manducantibus panē mensæ tuæ; nec aliquando ambulare facis eos in tenebris.

Ex utero matrum suarum lux fuisti vescentium pane tuo; à peccatis enim multis præteruasti eos.

Quoniam tanquam pupillam oculorum tuorum custodis epulantes in conuiuio mensæ tuę; quandoque autem peccantes mox ad pœnitentiam vocas eos. Gloria Patri, &c.

CANTICVM V. 145.

AB hominibus malis, & iniquis eripis Domine omnes, qui panem tuum manducant, & sanguinem tuum bibunt pretiosum.

Linguas quasi serpentes acuunt peccatores aduersus sodales mensæ tuæ; & venenum aspidum habent aduersus eos in labijs suis.

Etenim bonitatem manducantium carnem tuam abscondunt, & cruciantur valde videntes eos sedentes in cœna tua.

Sed tu Domine tãquam protector sodalium tuorum defendis eos; vt cum gaudio sustineant calumnias eorum .

Veruntamen epulantes in mensa tua collaudantes benedicunt Maieitati tuæ; vt beati uiuant videntes faciem tuam in regno tuo . Gloria Patri, & Filio, & Spiritui sancto . Sicut erat in principio, &c.

H Y M N V S.

Dulcis cibus, dulcis potus
 Christi in mensa sumitur
 Mentem purgans, ac illustrans,
 Gratas Deo faciens,
 Paradisi portas rumpit
 Dignè iam gustantibus.
 Multos facit panis iste
 Veros Christi martyres
 Multas quoque eius sponsas
 Hoc in sæculo inclytas,
 Sociasque Angelorum,
 Supernorum ciuium.
 Patri soli generanti,
 Nato soli genito,
 Soli quoque Procedenti
 Sit quàm magna gloria,
 Omnis honor, ac æternus
 Per immensa sæcula. Amen.

ψ. Panem de cœlo præstitisti nobis. Alleluia.

℞. Omne delectamentū in se habentē. Alleluia.

Oremus.

DEus, qui per tam venerabilis Sacramenti virtutem Altissimæ Maiestati tuæ filios in dies parturis, fac nos fideles tuos ita purgatis conscientijs ad illud accedere, vt filij tui, & cohæredes Christi fieri mereamur in regno tuo. Qui tecum viuit, & regnat Deus per omnia sæcula sæculorum. Amen.

CANTIGVM I. 146.

AD te clamant epulantes in mensa tua in tribulationibus suis; quoniam auxilium, & propitiationem perpetuam inueniunt apud clementiam tuam.

Oratio dignè manducantium carnem tuam sicut fumus aromatum ascendit in conspectu tuo; eleuationem manuum suarum tanquam sacrificium acceptat Maiestas tua.

Custodiam perpetuam ponis labijs vescentium pane tuo, vt benedicant semper nomini sancto tuo.

A laqueo Diaboli, & Angelorum eius libera sumentes cibum de mensa tua; & saluos facis eos tanquam electos tuos.

Propterea in retibus eorum nunquam cadunt, qui manducant carnem tuam, sed transeuntes quasi telam aranearum rumpunt illa.
Gloria Patri, &c.

CANTICVM II. 147.

Portionem suam in cœlo ponūt manducantes cibum conuiuij tui; in illo enim sperant inuenire te vitam æternam.

Manus suas ad te eleuant fideles tui post māducationem carnis tuæ; tu verò Domine benignè respicis preces eorum.

In viam rectam deducis comedentes in sacra mensa tua; & viuificas eos in omnibus operibus suis.

Manus epulantium in mensa tua fortes facis ad pugnandum aduersus dæmones; & victores facis eos in virtute carnis tuæ.

Ad laudandam Maiestatem tuam deduces refectos in cœna tua post obitum suum; & cum Angelis mercedem æternam, & copiosam retribues eis. Gloria Patri, & Filio, & Spiritui sancto, &c.

CANTICVM III. 148.

TE Deum, & Regem suum confitentur omnes epulantes in sacra mensa tua; per singulos

gulos enim dies collaudantes benedicunt nomini tuo.

A generatione in generationem magnificāt te sodales mensæ tuę; & potentiam tuam enarrant apud omnes gentes.

Altitudinem throni gloriæ tuæ exaltant, qui panem mensæ tuæ manducant; quoniam vsque ad tertium cœlū eleuant mentes suas post manducationem carnis tuæ.

Abundantiam vbertatis mensæ tuæ eructāt, qui manducant panem illius; & exultantes exoptant federe tecum in cœlesti mensa tua.

Quam suauem, & iucundum ostendis te Domine vescentibus pane sacri conuiuij tui, & gloriam regni tui promittis eis. Gloria Patri, & Filio, &c.

CANTICVM IV. 149.

IN te Domine, qui fecisti cœlum, & terram sperant manducantes carnem tuam pretiosam; sciunt enim vanum esse sperare in homine.

Dulcis resonat auribus tuis laudatio epulantium in cœna tua; quoniam cantica noua concinunt ad laudandum nomen sanctum tuum.

Te Deum honorificant sedentes in mensa tua ad manducandam carnem tuam; quoniam quàm magnam agnoscunt clementiam tuam in ea.

Panem

Panem tuum cœlestem in escam dedisti electis tuis; qui dignè accedunt ad sacrum conuiuium tuum.

Semper beneplacitum fuit tibi Domine super dignè manducantes carnem tuam; propterea spem suã posuerunt in te Redemptore suo. Gloria Patri, &c.

CANTICVM V. 150.

EPulantes in mensa tua Domine, laudabunt te Deum suum semper; quoniam solis electis tuis dedisti carnem tuam ad manducandum.

Dignè manducantes carnem tuam in terris laudant te; & in cœlis laudabunt te cum Angelis in sæculum sæculi.

Cum sacerdotibus laudat te nunc plebs tua fidelis panem tuum accipiens de manibus eorum; in cœlis autem cum Angelis tuis beati colaudabunt diuinam Maiestatem tuam.

In Ecclesia tua canticum nouum laudantes cantant tibi epulantes in cœna tua; in cœlestibus autem mansionibus æternas laudes cantabunt nomini sancto tuo.

In cymbalis, & choris, in chordis, & organis dulcisonantibus laudant te Deum, & hominem edētes carnem tuam; in cymbalis iubilationis, & lætitiæ æternæ laudabunt te sedentes cum

An-

Angelis, & electis tuis in mensa deliciarum
tuarum. Gloria Patri, &c.

H Y M N V S.

Istud conuiuium sacrum fidelibus
Præstat innumeras, magnasque gratias
Dignè sumentibus carnem, & sanguinem
Christi pretiosissimum.
Ad pœnitentiam deducit impios,
Afflictis maximum solamen tribuit,
Aegrotos integrè reddit incolumes,
Defunctis donat requiem.
Pacem Catholicis præstat Principibus,
A peste liberat, fameque populos,
Pupillos suscipit, omnesque viduas,
Deuotas seruat virgines.
Deum glorificat trinum, & simplicem
Choros Angelicos cunctos letificat,
Ciuesque cœlicos beatos efficit,
Cœlum totum irradiat.
Deum Altissimum precamur supplices
Dignos ut faciat hoc nos conuiuio,
Eius & fructibus satis quam dulcibus,
Quibus fruuntur Angeli.
Laudes perpetuas, æternam gloriam,
Cultum & latrimum soluamus debitum
Christo, qui sanguinem, carnemque cœlicam
Gustandam nobis tradidit. Amen.

ψ. Pa-

V. Panem de cœlo præstitisti nobis. Alleluia.

R. Omne delectamentū in se habentē. Alleluia.

Oremus.

OMnipotens, & misericors Deus, qui sanctissimum Eucharistiæ Sacramentum à Christo Unigenito tuo pro immensa, & æterna diuinæ Maiestatis tuæ gloria, atque pro fidelium tam viuorum, quàm defunctorum salute institutum cultu latrio venerandum præcepisti; fac propitius, ita nos illud deuotè, ac dignè venerari, vt in cœlum ascendentes æternæ vitæ fructus percipere mereamur. Per eūdem Christum Dominum nostrum.

Nono Kalend. Aprilis, Anno salutis millesimo sexcentesimo decimo tertio, hora vigesima sunt incepta; die autem festo beatæ Mariæ Magdalene hora noctis prima eodem anno expleta.

Altissimo Deo gloria æterna, Deiparæ semper Virgini honor perpetuus, cunctis cœlorum ciuibus per omne æuum laus. Amen.



141

*Salutatio admodum deuota ad sanctissimam
Deiparam semper Virginem Mariam.*

A Ve sanctissima Maria Virgo, Mater Christi pro salute mundi crucifixi, ora eū pro nobis peccatoribus nunc, & in articulo mortis nostræ, vt de manu dæmonis liberati regnum cœlorum ingredi mereamur. Amen.

F I N I S.

Imprimatur.

Petrus Antonius Ghibertus Vi-
carius Generalis .

M. Cornelius Tiroboscus, Prædicatorum
Ordinis Theologus .











